

國藥詮證

卷三

國藥詮證卷二

寶山王劍賓編

栝樓根

性味 苦寒無毒

效用 主消渴身熱煩滿大熱補虛安中續絕傷

說明 栝樓根性味苦寒。苦能燥濕。寒能清熱。本經主治消渴。以濕阻而渴。故燥濕可以通阻而止渴。濕化爲熱則身熱。未盡之濕留滯胸中則煩滿。故清其已化之熱。燥其未化之濕。可以除身熱而去煩滿。濕重則化爲大熱。治以苦寒則能燥濕而清熱。濕盛則氣阻而成虛。故燥濕可以和氣而補虛。氣和則中自安也。絕傷爲濕熱所阻則氣血不和而遷延不愈。燥濕可以利氣而散瘀血。氣行血調。故能續絕傷也。別錄用以除腸胃中瘡熱入疽身面黃大

明用以治熱狂時疾。皆爲濕熱重證。非燥濕不能清熱。故以苦寒主治也。李杲曰。栝樓根純陰。解煩渴。行津液。心中枯涸者。非此不能除。氣中挾濕則煩。濕阻而氣不運。化津不上布則渴。故燥濕可以除煩。通阻可以止渴。惟須用之於濕已化熱之候。如未化熱而用之。則必寒滯而氣悶也。成無己曰。津液不足則爲渴。栝樓根味苦微寒。潤枯燥而通津液。是爲渴所宜也。李氏之說。本於經驗。成氏之說。出於想像。栝樓根既能清大熱。決非微寒之藥。既能治入疽身黃。決非潤燥之藥。近人並無大熱而用栝樓根者。皆宗成氏微寒之說也。服之令人苦悶。以其能助寒也。有用以潤燥者。亦宗成氏之說。愈服而愈燥。不知其爲燥藥而誤以爲潤藥也。故非有大熱不可用栝樓根以清熱。非有濕阻不可用栝樓根以潤燥。

○栝樓根湯 治產後小便數而口渴

栝樓根 麥門冬 甘草 黃連 人參 生薑 大棗 桑螵蛸

○青竹茹湯 治勞復及陰陽易病

栝樓根 青竹茹

○三七湯 治傷寒中風得之三日至七八日不解胸脅痛四肢逆乾嘔水漿不下腹中宿食不消後重下血一日數十行

茯苓 黃芩 人參 芒硝 乾地黃 大黃 麻黃 栝樓根

寒水石

第一方以栝樓根黃連清熱燥濕。麥門冬瀉肺。甘草大棗和氣。人參益氣。生薑散結。桑螵蛸瀉濕。產後小便數而渴。爲濕熱阻滯所致。故清熱燥濕以通其阻。瀉肺瀉濕以利其氣。佐以益氣和氣。使能運化。則小便利而渴自止矣。第二方以栝樓根青竹茹清熱燥濕。勞復及陰陽易。肺胃爲濕熱所阻而氣不和也。故清熱燥濕以利其氣。使氣暢血調而歸於和。第三方以茯苓利濕。黃芩栝樓根清熱燥濕。乾地黃清血熱。麻黃燥濕散寒。芒硝大黃寒水石蕩

滌積聚邪氣。所病雖爲傷寒中風。因濕熱阻滯。宿食不消。故氣血不調。胸脅痛而四肢逆。後重下血。濕已化熱而侵及於血。濕熱無出路。則下注。故以清熱燥濕爲主。而佐以消積也。

栝樓實

性味 苦寒無毒

效用 主潤肺燥降火治效嗽滌痰結利咽喉止消渴利大腸消癰腫瘡毒

說明 栝樓實性味效用均與根相同。故本經主治不分根實。後人雖根實分用。仍不出本經主治範圍。如上文所列之效用爲李時珍所舉也。而栝樓根無不備之。李氏以成無已有苦寒以瀉熱之說。謂爲不嘗其味。隨文傳會。不知卽使用實。亦包括皮瓢仁在內。三者並不皆甘。不能以甘字概之。仁之所以能潤肺燥。亦爲散濕利氣之效。與麻子仁之散濕同一作用。非以其甘潤

熱之效。其效在於苦而不在於甘。

○栝樓丸 治食積痰多壅滯喘急

栝樓仁 半夏 山查 炒神麩 黃芩

○清膈導痰湯 治膈上熱痰咯吐不出咳吐稠黏

天花粉 栝樓仁 白朮 白茯苓 石膏 砂硝 黃芩 貝母

桔梗 陳皮 甘草

○歸耆湯 治癰疽無頭但腫痛

黃耆 當歸 栝樓仁 皂角刺 金銀花 甘草

第一方以栝樓仁燥濕利氣。半夏燥濕瀉肺。山查炒神麩消食積。黃芩清熱燥濕。壅滯喘急。不由於痰多而由於濕阻。故燥濕可以利氣而除喘。食積亦易使氣阻。故消積亦可為利氣之助。第二方以天花粉栝樓仁燥濕清熱。白

朮白茯苓利濕。石膏清胃熱。朴硝導積滯。黃芩清熱燥濕。貝母桔梗陳皮散濕利氣。甘草和氣。膈上熱而痰咯吐不出。爲濕所阻也。故以燥濕散濕爲主。濕去則氣暢。以膈上熱。故均用清燥之藥。因食積。故用導滯之藥。第三方以黃耆益氣。皂角刺散結。當歸燥濕利氣。栝樓仁燥濕清熱。金銀花利氣消腫。甘草解毒。黃耆協皂角刺可使腫處破頭。毒有出路則可以消腫而止痛也。觀於本方中之栝樓仁。可知其有燥濕清熱之效。而非甘潤之謂也。

瞿麥

性味 苦寒無毒

效用 主關格諸癰結小便不通。出刺決癰腫明目。去腎破胎墮子下閉血。說明 瞿麥性味苦寒。本經主治關格諸癰結。以燥濕可以散結而通閉也。濕阻而氣滯則小便不利。故燥濕利氣可以利小便。竹木刺入肉則腫而難出。

燥濕可以消腫。腫退則刺自出矣。癰腫爲濕熱所化。故燥濕清熱可以治癰。腫。肝氣不和則目生翳而不明。燥濕可以驅風而利氣。故能明目而去翳也。胎繫於氣。氣和則可以養胎。氣本和而遽投以燥濕之藥。則氣不和而破胎墮子矣。濕阻則氣滯而血閉。故燥濕利氣可以通阻而開閉也。日華以水調末塗腫毒。以其能散氣而退腫也。熯太陽穴治頭痛。以其能驅風而散濕也。貼心胸止鼻衄。以其能利氣而散血也。甄權治肝熱風眼赤淚。苦能燥濕。寒能清熱。燥濕可以驅風。清熱可以退赤也。瞿麥以利水著稱。而人皆用以通小便。遂沒其驅風散濕之效。不知其所以能利小便。卽爲驅風散濕之效也。惟其性暴而其效速。用之於濕熱阻滯之病則佳。如無濕熱阻滯而用之。卽有降泄過度之患。故不可以不慎也。

○地膚子湯 治下焦濕熱小便赤黃不利數起出少莖痛或血出

地膚子 知母 黃芩 猪苓 瞿麥 枳實 升麻 通草 葵子

海藻

○榆皮湯 治淋病

榆皮 滑石 黃芩 甘草 瞿麥 葵子

○瞿麥散 治癰排膿止痛利小便

瞿麥 芍藥 桂心 赤小豆 麥門冬 川芎 黃耆 當歸
白欬

第一方以地膚子猪苓瞿麥通草葵子海藻清膀胱濕熱通小便。知母瀉肺通腎氣。黃芩清熱。枳實導滯。升麻散氣。濕熱下注則小便不利。莖痛出血。濕已化熱而成毒也。故以燥濕清熱主治。而注重於利水。第二方以榆皮黃芩清濕熱。滑石導滯收瀉。甘草解毒。瞿麥葵子燥濕清熱通小便。淋為濕熱病。故以燥濕清熱主治。而佐以利水。第三方以瞿麥燥濕利水。芍藥散濕利氣。桂心散寒濕。赤小豆瀉濕。麥門冬瀉肺。川芎燥濕利氣。黃耆益氣。當歸行氣。

活血。白斂解熱毒癰痛。小便利。濕阻而寒滯也。故利水以通阻。燥濕以利氣。溫散以排膿。泄毒則止痛。

苦參

性味 苦寒無毒

效用 主心腹結氣癥瘕積聚黃疸溺有餘瀝逐水除癰腫補中明目止淚

說明 苦參性味苦寒。本經主治心腹結氣。以其有燥濕清熱之效。可以散結而利氣也。濕熱阻滯而血病則成癥瘕。氣病則飲食不化。苦參有破結逐濕之效。故能除癥瘕而散積聚。濕熱陰化則成黃疸。腎爲濕阻則溺有餘瀝。故燥濕清熱可以治黃疸而利小便也。燥濕可以逐水。清熱燥濕可以除癰腫。濕去則氣和而可以補中。驅風而可以明目止淚。震亨曰。苦參能峻補陰氣。或得之而致腰重者。因其氣降而不升也。非傷腎之謂也。其治大風有功。况

風熱細疹乎。不知陰爲濕阻則燥濕可以益陰。若無濕而燥之則傷氣。無熱而清之則寒滯。其有不腰重者乎。治大風有功者。不一定能治風熱細疹。以清燥過度。則氣血不和而熱可內陷也。故苦寒之藥。須量其濕熱之深淺而用之。

○苦參湯 治熱病五六日以上

苦參 黃芩 生地黃

○苦參散 治人忽然振寒發黃小便赤少大便時閉氣力無異飲食不妨已服諸湯散餘熱不除

苦參 黃連 瓜蒂 黃柏 大黃 葶藶

○龍膽丸 治眼兩胞粘精赤爛

龍膽草 苦參 牛蒡子

第一方以苦參黃芩清濕熱。生地黃清血熱。此方可治由濕化熱之單純病。

不能統治一切熱病。第二方以苦參黃連黃柏清熱燥濕。大黃瓜蒂葶藶清熱瀉濕。忽然發黃。小便赤少。爲濕化不透之象。治以大苦大寒。燥其未化之濕。清其已化之熱。因濕重燥之不能盡。故佐之以瀉。此方極峻而極佳。對證必能有效也。第三方以苦參龍膽草瀉肝熱。牛蒡子散風熱。此爲風濕病。故以驅風散濕主治也。

青蒿

性味 苦寒無毒

效用 主疥癩疔癢惡瘡殺蟲治留熱在骨節間明目

說明 青蒿性味苦寒。本經主治疥癩疔癢。以其有散風逐濕之效也。濕化爲熱毒則成惡瘡。故燥濕清熱可以治之。蟲生於濕。故燥濕可以殺蟲。苦寒可以入裏。故治留熱在骨節間。目爲風濕所阻則病。故燥濕驅風可以明目。青

蒿雖爲苦寒之藥。有清熱燥濕之效。而非大苦大寒。故治濕盛化爲壯熱之病。則無效。治殘餘之風濕留滯於骨節間。或散於表而爲疥癩癩癢。則恰到好處。骨蒸勞熱。亦殘濕爲病。故可以治之也。

○青蒿飲 專治勞疾

青蒿 嫩桃枝 嫩柳枝 地骨 甘草

○青蒿散 治小兒室女肌瘦潮熱

青蒿 生甘草 烏梅 小麥

○蛤蚧散 治勞熱癆肺損止咳嗽

蛤蚧 黃芩 甘草 胡黃連 秦艽 生地黃 熟地黃 人參

柴胡 麻黃 知母 杏仁 貝母 青蒿 桔梗 木香 龍膽草

鱉甲 烏梅 生薑 大棗

第一方以青蒿地骨清潛伏之濕熱。桃枝柳枝清熱除痰。甘草和氣。勞疾爲

積濕不化所致。故以清濕化熱主治。惟用大苦則寒滯。用大燥則氣虛。故用微寒微燥而能深入之藥。以清其殘濕而化其微熱。則氣和而病去矣。第二方以青蒿清潛伏之濕熱。生甘草散濕利氣。烏梅欽氣殺蟲。小麥養肺和氣。此方治濕滯發熱。雖不能頃刻見效。而久服有功。以潮熱爲氣中挾濕所致。小麥甘草均能散濕利氣也。第三方以蛤蚧瀉肺利氣。黃芩清熱。甘草大棗和氣。胡黃連秦芎清熱燥濕。生地黃清血熱。熟地黃散濕。人參益氣。柴胡利氣。麻黃燥濕散寒。知母杏仁貝母除痰。青蒿龍膽草清熱利氣。桔梗木香散濕利氣。鱉甲清血瀉濕。烏梅收澀欽氣。生薑散結氣。蘊濕不散則變爲勞熱。濕阻氣滯則咳嗽。故散濕以治勞熱。瀉肺以治咳嗽。佐以清血利氣。使濕盡而氣和也。

石韋

性味 苦平無毒

效用 主勞熱邪氣五癃閉不通利小便水道

說明 石韋性味苦平。本經主治勞熱邪氣。以濕化爲熱則氣阻。苦能燥濕而利氣。故有散氣之效。因濕阻氣滯而癃閉者。散之則通。別錄止煩下氣通膀胱。滿氣中挾濕則氣滯而煩。燥濕可以除煩。並能利氣而下水。以泄膀胱之滿。故所治之病。雖若氣虛。仍爲實滿。別錄用以補五勞。是以瀉爲補也。

○石韋湯 治產後卒淋氣淋血淋石淋

石韋 黃芩 通草 甘草 榆皮 葵子 白朮 生薑 大棗

○石韋散 治血淋

石韋 當歸 蒲黃 芍藥

第一方以石韋通草葵子瀉濕利水。黃芩榆皮清熱燥濕。白朮利濕。生薑散結。大棗和氣。產後濕化爲熱則成淋。故以清熱瀉濕利水除淋。主治通阻之

後佐以和氣使病去而身安也。第二方以石韋燥濕清熱當歸行氣活血蒲黃散血芍藥瀉滯濕化熱而傷血則爲血淋燥濕行氣可以通阻散血可以止血本方照習慣用赤芍可以瀉血滯也。

海藻

性味 苦鹹寒無毒

效用 主癭瘤結氣散頸下硬核痛癰腫癥瘕堅氣腹中上下雷鳴下十二水腫

說明 海藻味苦鹹而性寒本經主治癭瘤結氣散頸下硬核痛癰腫癥瘕皆爲濕熱化毒之證苦能燥濕寒能清熱鹹能制血故有散結消腫之效血滯則成癥瘕氣積則爲堅氣血滯而氣阻則水失運化之力而上下雷鳴燥濕可以散氣而利水制血可以破結而除癥瘕故有破堅氣下水腫之效也別

錄療皮間積聚暴癩瘡氣結熱。利小便。皮間積聚濕熱。集表而成。化毒則爲暴癩瘡氣。燥濕可以散結。氣制血。去癥瘕。可以泄毒。故能兼治內外病也。

○海藻湯 治效而下利胸中痞而短氣心中時悸四肢不欲動手足煩不欲食肩背痛時惡寒

海藻 半夏 五味子 生薑 細辛 茯苓 杏仁

○通氣丸 治癰氣

海藻 海帶 昆布 夏枯草 木通 訶子 薄荷 杏仁

第一方以海藻燥濕利水。半夏杏仁瀉肺利氣。茯苓利濕。生薑散寒。細辛散結氣。五味子收澀斂氣。效而下利。水阻而氣滯也。心中時悸。背痛惡寒。皆爲水濕阻滯所致。故以利水散濕主治而佐以利氣。第二方以海藻海帶昆布燥濕利水。夏枯草散結氣。木通瀉濕利氣。訶子杏仁薄荷化痰利氣。癰氣爲濕熱病。由積水化濕。故以利水爲治本之法。用水草利水濕。以類相從也。

水萍

性味 辛寒無毒

效用 主暴熱身癢下水氣止消渴

說明 水萍性味辛寒。辛能散濕。寒能清熱。本經主治暴熱身癢。以其能清熱散濕也。濕阻則氣滯而水不化。故散濕可以下水氣。濕阻而胃熱則氣不化而成消渴。故散濕清熱可以化氣而治消渴。大明治熱毒風熱熱狂。以寒能清熱而解毒。辛能驅風而散熱也。時珍主治風濕麻痺脚氣。以辛能驅風散濕。麻痺脚氣皆爲風濕阻滯所致也。震亨曰浮萍發汗。勝於麻黃。麻黃辛溫。浮萍辛寒。故水萍宜於治暴熱。麻黃宜於治傷寒。水萍治濕熱集表之風。麻黃治寒濕阻滯之風。性有寒溫之別。治有暴久之分。二者之用絕不相同。何能相勝乎。

○風丹 治偏身癢因酒得者

水萍 防風 黃耆 羌活 乾葛 麻黃 生甘草 當歸

右方以水萍散集表之風濕。防風驅風。黃耆益氣。托之使出。並預防表虛而氣不和。羌活驅風散濕。葛根散濕解毒。麻黃散在裏之寒濕。生甘草和氣散濕。當歸行氣活血。濕集於表則氣不和而身癢。惟酒濕不僅在表。裏濕不清則表濕不盡。散之則爲風癢。不散可以化熱而爲濕溫。下注則爲痔漏。留滯於腸則爲泄瀉。既以一部集表而身癢。乘其化熱之際。使全部發泄。不留後患。故不但以驅風散濕爲治。用益氣外托之藥。使之根本肅清也。此方極高明。遠非頭痛醫頭者可比。

草薺

性味 苦平無毒

效用 主腰痛強骨節風寒濕周痺惡瘡不瘳熱氣

說明 萆薢性味苦平有燥濕之效。本經主治腰痛。因濕阻而氣不和。故燥濕可以利氣而治腰痛。風濕流注於骨節則骨節不強。故燥濕可以驅風而利骨節。水氣化毒爲濕。濕阻氣滯爲風。濕滯不化爲寒。故燥濕可以治風寒濕。惟寒重者非溫不化。故當與溫藥同用。已化熱者非清不散。故當與清藥同用。寒濕久滯則爲痺。濕化爲熱毒則成惡瘡。濕化爲熱則爲熱氣。變化雖多。而其病源爲濕。故均以燥濕治之。大明治頭旋癩疾。時珍治莖中痛。濕散於上則氣不和而頭旋。濕阻於中則痰多氣滯而成癩疾。濕注於下則腎爲濕阻而莖中痛。病雖不同。其病源俱屬於濕。故皆以燥濕治之也。時珍曰。萆薢之功。長於去風濕。其實萆薢純爲濕藥。驅風爲燥濕之副作用也。

○萆薢丸 治肝痺緩筋脉去風毒調榮衛

萆薢 羌活 天麻 乳香 沒藥 附子

○葶藶分清飲 治白濁凝如膏糊小便頻數

川葶藶 益智仁 烏藥 石菖蒲

○七聖散 治風濕流注經絡之間肢節緩縱不隨或脚膝疼痛不能步履

續斷 獨活 防風 葶藶 牛膝 甘草 杜仲

第一方以葶藶燥濕羌活散風濕附子散寒濕天麻疏肝利氣乳香沒藥散血活血風濕阻滯氣血俱病則肝痹而筋急故以驅風散濕主治而佐以利氣散血第二方以川葶藶燥濕烏藥散氣菖蒲散濕通竅益智仁散濕利氣白濁爲寒濕阻滯所致故以辛溫祛寒散濕寒去而濕散則氣和而濁止矣

第三方以續斷散濕利關節獨活防風驅風利濕葶藶牛膝清除下注之風濕甘草杜仲溫腎散濕風濕流注於經絡間須以搜風燥濕之藥治之若疏散過度則氣益不和而疼痛益甚本方注意此點故以搜濕主治也

白茅根

性味 甘寒無毒

效用 主勞傷虛羸補中益氣除瘀血閉寒熱利小便

說明 白茅根性味甘寒。本經主治勞傷虛羸。以其能清濕熱也。濕阻則爲勞

傷。氣滯則爲虛羸。白茅根潤中帶燥。故能清伏熱而燥蘊濕。濕熱既清。則中氣得補。濕熱積滯。則血阻而生瘀。故燥濕清熱。可以除瘀而通閉。濕滯爲寒。濕化爲熱。故清濕則寒熱自止。濕阻則小便不利。燥濕則小便自通矣。別錄用以下五淋。除客熱在腸胃。止渴堅筋。婦人崩中。濕熱入腎。則爲淋。故清熱燥濕。可以治五淋。濕阻於腸胃。而化熱。則腸胃熱。因非腸胃之本熱。故曰客熱。濕已化熱。故可以甘寒治之也。濕阻則津不上布而渴。故燥濕。可以利氣而止渴。筋爲濕阻。則緩。故燥濕。可以堅筋。血中積濕化熱。則崩中。故燥濕清

熱可以治崩中。白茅根專治潛伏之濕。惟在化熱之候則有效。若未經化熱。則清之足以助寒。燥之足以傷氣。時珍曰。白茅根甘能除伏濕。利小便。故能止諸血。噦逆喘急消渴黃疸水腫。乃良物也。世人因微而忽之。惟事苦寒之劑。致傷中和之氣。烏足以語此哉。不知白茅根之致效。並不在甘而在甘寒帶燥。故能清已化之熱。而燥氣中之濕。與苦寒之治濕。感而化爲大熱者。絕不相同。用各有當。不能相混也。

○茅根飲子 治胞絡中虛熱小便如血色

茅根 茯苓 人參 乾地黃

○茅根湯 治產後淋

白茅根 瞿麥 茯苓 人參 生薑 桃膠 甘草 地脈 鯉魚齒

第一方以茅根清濕熱。茯苓利濕。人參益氣。乾地黃清血熱。前人方案中之虛熱。皆爲濕化熱。故治以清熱燥濕之藥。益氣可以散濕而通阻。以氣阻既

久失其運化之力也。第二方以白茅根地脈清濕熱。瞿麥鯉魚齒散堅利水。茯苓利濕。桃膠蕩積。生薑散結。人參益氣。甘草和氣。產後淋爲濕熱阻滯所致。故以清熱利濕主治。桃膠破血積。鯉魚齒破水積。濕熱清而水通血散。則淋病自愈矣。

仙靈脾

性味○辛寒無毒

效用 主陰痿絕傷莖中痛利小便益氣力強志

說明 仙靈脾性味辛寒。本經主治陰痿絕傷。以其有清熱散濕之效也。腎爲濕阻則陰痿。精氣不化則絕傷。故散濕清熱可以治陰痿而續絕傷也。濕熱阻滯則莖中痛而小便不利。故散濕清熱可以治莖中痛而利小便也。濕阻則氣滯無力而意志衰頹。故散濕利氣可以益氣力而強志也。別錄堅筋骨。

熱可以治崩中。白茅根專治潛伏之濕。惟在化熱之候則有效。若未經化熱。則清之足以助寒。燥之足以傷氣。時珍曰。白茅根甘能除伏濕。利小便。故能止諸血。噦逆喘急消渴黃疸水腫。乃良物也。世人因微而忽之。惟事苦寒之劑。致傷中和之氣。烏足以語此哉。不知白茅根之致效。並不在甘而在甘寒帶燥。故能清已化之熱。而燥氣中之濕。與苦寒之治濕。感而化爲大熱者。絕不相同。用各有當。不能相混也。

○茅根飲子 治胞絡中虛熱小便如血色

茅根 茯苓 人參 乾地黃

○茅根湯 治產後淋

白茅根 瞿麥 茯苓 人參 生薑 桃膠 甘草 地脈 鯉魚齒

第一方以茅根清濕熱。茯苓利濕。人參益氣。乾地黃清血熱。前人方案中之虛熱。皆爲濕化熱。故治以清熱燥濕之藥。益氣可以散濕而通阻。以氣阻既

久失其運化之力也。第二方以白茅根地脈清濕熱。瞿麥鯉魚齒散堅利水。茯苓利濕。桃膠蕩積。生薑散結。人參益氣。甘草和氣。產後淋為濕熱阻滯所致。故以清熱利濕主治。桃膠破血積。鯉魚齒破水積。濕熱清而水通血散。則淋病自愈矣。

仙靈脾

性味 辛寒無毒

效用 主陰痿絕傷。莖中痛。利小便。益氣力。強志。

說明 仙靈脾性味辛寒。本經主治陰痿絕傷。以其有清熱散濕之效也。腎為濕阻則陰痿。精氣不化則絕傷。故散濕清熱可以治陰痿而續絕傷也。濕熱阻滯則莖中痛而小便不利。故散濕清熱可以治莖中痛而利小便也。濕阻則氣滯無力而意志衰頹。故散濕利氣可以益氣力而強志也。別錄堅筋骨。

消瘰癧赤癰。下部有瘡。洗出蟲。顯爲散濕之藥。故曰丈夫久服。令人無子。汪機乃曰當作有子。不知散濕之藥。久服則傷氣血。安能有子乎。時珍曰味甘氣香。性溫不寒。能益精氣。眞陽不足者宜之。性味辛寒。仙靈脾之本性也。經羊脂拌炒之後。變爲味甘氣香。然味甘氣香。並不能益精氣而助眞陽。其所以能益精氣而助眞陽者。仍爲散濕之效。惟炒過則其力較緩耳。

○還睛丸 治眼瞽膜昏澀淚出瘀血努肉攀睛

野菊花 野麻子 川芎 草龍膽 草決明 石決明 荆芥

枳實 茯苓 木賊 炙甘草 白蒺藜 川椒 仙靈脾 茵陳

○荆防菊花散 治眼中膚瞽侵及瞳神如蠅翅狀

白菊花 防風 木通 仙靈脾 木賊 荆芥 炙甘草

第一方以野菊花草決明荆芥白蒺藜木賊散風熱。川芎草龍膽石決明清肝熱。野麻子枳實驅風導滯。炙甘草和氣。茯苓利濕。川椒散寒濕。仙靈脾茵

陳散濕熱。肝氣爲風濕阻滯則目病。故以驅風散濕疏肝利氣。主治第二方。以白菊花防風散風熱。木賊驅風。木通利濕。荊芥散瘀除翳。仙靈脾散濕清熱。甘草和中。眼中生翳。風濕爲患也。故驅風散濕。可以除翳。

紫葳

性味 酸微寒無毒

效用 主婦人產乳餘疾崩中癥瘕血閉寒熱羸瘦養胎

說明 紫葳雷公岐伯皆曰味辛。時珍曰花不可近鼻聞傷腦。花上露入目令人昏矇。與本經主治崩中血閉相合。以辛能散結也。惟本經主治不分根莖花葉。而後人以花與根之性味酸寒。而莖葉之性味苦平。時珍治喉痹熱痛涼血生肌。自以苦平爲宜。故用莖葉。本經主治之婦人產乳餘疾。寒熱羸瘦養胎。亦爲莖葉苦平之效。若以花根之辛散治之。則傷氣而有害矣。大明治

熱風身癢遊風風疹瘀血帶下。曰花及根功同。是所用者爲花與根也。李氏本草綱目列之莖葉之下。顯然有誤。故用紫葳辛散。當用花與根。苦燥應用莖與葉。

○驚甲煎 治瘧歲歲發至三歲連月不解結爲癥瘕名曰瘧母

驚甲 半夏 人參 大戟 瞿麥 桃仁 海藻 葶藶 阿膠

紫葳 石韋 乾薑 大黃 厚樸 蝨蟲 蜜蟲 丹皮 芍藥

蜂窠 蛻螂 柴胡 烏扇 黃芩

右方以驚甲大黃桃仁蝨蟲蜜蟲蜂窠蛻螂破血散結。半夏大戟瞿麥海藻葶藶石韋烏扇除痰利水。黃芩厚樸芍藥紫葳丹皮清熱燥濕。乾薑散寒。柴胡利氣。濕熱阻滯久而不散則血中有毒而結爲癥瘕矣。故非破血瀉濕不能除癥瘕而止瘧疾也。本方所用者均爲猛峻之藥。以濕熱堅積。非此不除也。

薤白

性味 辛苦溫滑無毒

效用 主金瘡瘡敗

說明 薤白性味辛苦溫。辛溫能散。苦能燥。本經主治金瘡瘡敗。以其能燥濕而散結氣也。別錄搗塗水氣腫痛。燥濕可以利氣。辛溫可以化氣而散腫也。李杲治洩痢下重。泄下焦陽明氣滯。寒濕阻滯。則洩痢而下重。腸中挾濕不化。則下焦氣滯。故以辛溫散結氣而微燥其濕。可以止洩痢而愈後重。並治下焦氣滯也。肘後方治卒中惡死。奔豚氣痛。散結可以開閉。故能治卒中惡死。此爲氣閉之病。既非中風。亦非眞死也。奔豚氣痛。由於氣阻上逆。故均以散氣主治。惟性氣俱暴。取效雖速。而其力不強。凡爲寒濕阻滯。而一時不能宣化者。用之極佳。若有實結者。則非薤白所能治也。

○枳實薤白桂枝湯 治胸痹心中痞氣氣結胸滿

枳實 薤白 桂枝 厚樸 栝蒌實

○栝蒌湯 治胸痹病喘息咳嗽吐胸背痛短氣寸脉沉而遲關上小緊

數

栝蒌實 半夏 薤白 枳實 生薑

第一方以枳實導滯。薤白散結。桂枝行氣散濕。厚樸燥濕。栝蒌實散濕利氣。胸痹氣結。由於濕阻氣滯。故燥濕可以利氣。散結可以除痹。或以栝蒌實供清熱之用。其實燥濕利氣之效。大於清熱。在本方中用以燥濕。非用以清熱也。第二方以栝蒌實燥濕利氣。半夏瀉肺。薤白散結。枳實導滯。生薑宣散。寸脉沉遲為表衰。關脉緊數為裏實。表裏不和。由於濕阻而氣滯。咳為肺之自救作用。吐為胃之自救作用。咳與吐均非病源。濕阻則為病源。故以燥濕散結主治。

龍膽

性味 苦澁大寒無毒

效用 主骨間寒熱驚癇邪氣續絕傷定五臟殺蠱毒

說明 龍膽性味苦寒。本經主治骨間寒熱驚癇邪氣。以其能燥濕而清熱。氣

血爲濕所阻。則絕傷難愈。故燥濕可以利氣而續絕傷。五臟爲濕所阻。則臟

氣不和。故燥濕可以利氣而安五臟。蠱毒生於濕。故燥濕可以殺蠱毒。別錄

除胃中伏熱。熱泄下痢。去腸中小蟲。益肝膽氣。止驚惕。苦寒能清燥熱。故用

以除胃中伏熱。濕熱流注於腸。則腸失消化之力而下痢。故燥濕清熱可以

治熱泄下痢。苦燥可以殺蟲。故能去腸中小蟲。肝膽爲濕所阻。則氣滯。故燥

濕可以益肝膽之氣。積濕化熱。則氣阻而成驚。故清熱燥濕可以治驚。龍膽

治濕已化熱之病。奏效甚捷。惟燥而不潤。故血熱者須與潤藥同用。以燥血

可以傷氣而助熱也。元素謂其有下行之功。除下部風濕。治寒濕脚氣。不知龍膽爲治臟濕化熱之專藥。不若防已牛膝之能除下部濕熱。且寒濕未化而遽用清燥。燥濕不足而助濕有餘。以濕遇溫則化。遇寒則滯。故以龍膽之苦寒。絕不可用以治寒濕也。

○葛根龍膽湯 治傷寒三四日不差身體煩熱

葛根 龍膽 大青 升麻 石膏 玉竹 甘草 桂心 芍藥

黃芩 麻黃 生薑

○草龍膽散 治上焦風熱攻衝眼目暴赤疼痛

龍膽草 木賊 炙甘草 草決明 香附子 川芎

○瀉熱湯 治脾實熱舌本強直或夢歌樂而體重不能行

前胡 茯苓 龍膽 細辛 芒硝 元參 大青 苦竹葉 杏仁

第一方以葛根散濕。龍膽清熱燥濕。大青清血熱。升麻散氣。石膏清胃熱。玉

竹散風熱。甘草和氣。桂心散寒。芍藥斂氣。黃芩清濕熱。麻黃散寒濕。生薑散結氣。身體煩熱。濕未盡化也。故溫清並用。溫以散未化之濕。清以退已化之熱。而以利濕散氣爲主。濕去則氣和。熱退則煩止也。第二方以龍膽草草決明瀉肝熱。木賊散風熱。香附子川芎通肝氣。炙甘草和氣。風濕阻滯。肝氣不和則目病。故以驅風散濕疏肝利氣主治。第三方以前胡茯苓杏仁除痰降氣。元參大青竹葉芒硝清熱導滯。龍膽清熱燥濕。細辛散結利氣。舌本強直。氣血不和也。體重不能行。濕阻不化也。因濕已化熱。故重用清藥。蕩積利氣。使積去而氣和也。

黃芩

性味 苦平無毒

效用 主諸熱黃疸腸澼洩痢逐水下血閉惡瘡疽蝕火瘍

說明 黃芩性味苦平。本經主治諸熱黃疸。以苦能燥濕。濕注於腸則腸澼洩痢。故燥濕可以治腸澼洩痢。濕盛則水不能化而有積水。燥濕則水化而自下。故能逐水。濕阻則氣不和而血閉。故燥濕可以利氣而通閉。惡瘡疽蝕火瘍。均爲濕病。故皆以燥濕主治。別錄療痰熱胃中熱小腹絞痛。痰熱胃中熱。均由濕化熱。故燥濕可以清熱。小腹絞痛。因濕阻而氣滯。故燥濕可以利氣而止痛。李杲曰。黃芩之中枯而飄者。瀉肺火。利氣消痰。除風熱。清肌表之熱。細實而堅者。瀉大腸火。養陰退陽。補膀胱寒水。滋其化源。不知黃芩爲燥濕之藥。並非清熱之藥。在由濕化熱之候。燥濕可以清熱。本經於諸熱之下。緊接黃疸腸澼。卽表明可以治黃疸腸澼一類之濕病。此爲本經之體例。李杲誤認爲清藥。故一則曰瀉肺火。再則曰清肌表之熱。實則肺中積濕化熱。燥濕則可以清肺熱。肌表積濕化熱。燥濕則可以清肌表之熱。大腸積濕化熱。燥濕則可以清大腸之熱。膀胱積濕化熱。燥濕則可以清膀胱之熱。濕去則

陰自養。熱去則陽自退。十分明白之理由。何必說得玄妙難測。歷來治醫者皆守此不傳之秘。以自高其身價。結果則醫學成爲玄學。而知者日少矣。

○黃芩湯 治伏氣發溫太陽少陽合病

黃芩 白芍 甘草 大棗

○黃芩加半夏湯 治伏氣發溫內挾痰飲痞滿咳逆

黃芩 半夏 白芍 甘草 生薑 大棗

○黃芩散 治婦人陰脫

黃芩 蝟皮 當歸 芍藥 牡蠣 竹皮 狐莖

第一方以黃芩白芍燥濕利氣。甘草大棗和氣。伏氣發溫。係積濕化熱。故以燥熱主治。濕去之後。恐氣不調和。故佐以和氣之藥。第二方以黃芩白芍燥濕。半夏瀉肺除痰。生薑散結氣。甘草大棗和氣。本方所治之病與第一方同。因挾痰而咳逆。故瀉肺以除痰。散結以利氣。第三方以黃芩芍藥燥濕。竹皮

清熱當歸燥濕散寒。牡蠣收濕。獾皮治陰腫。狐莖使收縮。濕阻而失其收縮之力則陰脫。故燥以治濕。用消腫收縮之藥以固其脫。

藁本

性味 辛溫無毒

效用 主婦人疝瘕。陰中寒。腫痛。腹中急。除風。頭痛。長肌膚。

說明 藁本性味辛溫。辛能散濕。溫能散寒。本經主治婦人疝瘕。以其能散寒濕也。陰中寒。腫痛。寒爲未化之濕。若但寒不至於腫痛。寒濕化熱則腫痛。故辛溫散寒化濕可以止腫痛也。寒濕阻滯則腹中急。故散寒化濕可以治腹中急。辛能散濕。亦能散氣。氣聚爲風。故可以除風而治頭痛。爲風濕阻滯則肌膚不長。故散風逐濕可以長肌膚。此指外證而言也。李杲治太陽頭痛顛頂痛。大寒犯腦。痛連齒頰。濕滯爲寒。寒阻爲風。風寒濕之病源相同。故藁本

可以統治風寒濕病。太陽頭痛顛頂痛爲風濕病。大寒犯腦爲寒濕病。辛以散風濕。溫以散寒濕。則風寒濕俱治矣。

○加味勝濕湯 治因風濕頸項強痛

羌活 獨活 藁本 防風 蔓荊子 川芎 蒼朮 黃蘗 荊芥
炙甘草

○清震湯 治陰部濕癢及臊臭

羌活 黃蘗 升麻 柴胡 蒼朮 黃芩 防風 猪苓 麻黃
藁本 甘草 當歸 紅花 澤瀉

第一方以防風羌活驅風。獨活蒼朮蔓荊子藁本散濕。荊芥清風熱。黃蘗清濕熱。川芎散濕利氣。炙甘草和氣。本方所治之病爲單純之風濕病。故以驅風散濕主治。使各部分所積之風濕不能留滯。以歸於和。第二方以黃蘗黃芩清熱燥濕。當歸紅花行氣活血。猪苓澤瀉利水散濕。升麻柴胡散結利氣。

麻黃羌活蒼朮防風藁本驅風散濕。甘草解毒。濕在陰部則潛伏而難散。故發爲臊臭。利水可使濕化燥。佐以辛散。則停滯之濕得以流動。可一舉而廓清矣。

百合

性味 甘平無毒

效用 主邪氣腹脹心痛利大小便補中益氣

說明 百合性味甘平。而有散濕利氣之效。本經主治邪氣腹脹心痛。甘能和。

有邪氣則不和。故能排斥邪氣使歸於和。氣阻則腹脹。和以利氣。故可以治腹脹。血阻則心痛。和能散血。故可以治心痛。濕阻則大小便不利。和能散濕。故可以利大小便。其補中益氣。皆取效於和。惟其力甚微。故仲景用以治百合病。以百病大部皆愈。而氣分血分中尙有濕熱留滯。致氣血不和而成淹。

纏之象。或時發寒熱。若以他藥治之。則不能恰合病情。惟有以百合治之。可以取效。故以百合名其病。觀於仲景以百合所治之病。可以推知百合之治效矣。

○百合知母湯 治百合病已經發汗後更發者

百合 知母

○百合滑石代赭湯 治百合病已經下後更發者

百合 滑石 代赭

第一方以百合散濕利氣。知母瀉肺利氣。觀於本經主治。可推知其為氣病。氣之所以致病。必因有蘊濕而不和。故以百合散濕。知母清熱瀉肺。使氣歸於和。期其不發。第二方以百合散濕利氣。滑石代赭收澀滌痰。下後更發。濕未盡也。故再用收澀之藥。以搜腸與肺中之濕。使濕盡而氣和。本方更可證明百合所治為氣中挾濕之病。故用以化濕而散滯氣也。

乾薑

性味 辛溫無毒

效用 主胸滿欬逆上氣溫中止血出汗逐風濕痺腸澼下痢

說明 乾薑性味辛溫。本經主治胸滿欬逆上氣。以胸中有積則胸滿。氣爲濕阻則欬逆上氣。辛能散濕。溫能散寒。有散結利氣之效。故能治胸滿而止咳。逆中焦寒滯則氣不和。辛溫能散寒濕結滯之氣。故能溫中。血爲寒濕阻滯則橫溢。辛溫可以散濕逐寒。濕散則氣和。寒散則血行。故能通阻而止血。寒濕阻滯則氣失宣化之力。水分不能達於肌表而無汗。以辛溫散寒逐濕。則氣得宣化而出汗。濕阻則氣不和而爲風。風濕久阻積而不散則成痺。辛溫能驅風散濕。故能逐風濕而除痺。腸爲濕阻則失其運化之力。濕盛則爲腸澼。胃之消化物不能吸收則爲下痢。故以辛溫散其寒濕。可以止腸澼而治

下痢也。李時珍曰：乾薑能引血藥入血分，氣藥入氣分，又能去惡養新，有陽生陰長之意。故血虛者用之，凡人吐血、衄血、下血，有陰無陽者，亦宜用之。乃熱因熱用，從治之法也。李氏所說乾薑之效，未嘗不是，但欲使不治醫學之人明白其理，至爲不易。卽治醫學之人，亦恐一知半解者多，而澈底明白者少。李氏所謂引血藥入血分，氣藥入氣分，因寒濕阻滯而氣血失調，明知其爲氣病血病，而用氣藥血藥，均不能見效。一用乾薑，則寒去而濕散，氣藥可以行氣，而血藥可以活血，其實係散寒逐濕之效，非引入氣分血分之謂也。所謂去惡養新者，以積滯之血散之，則和其因久積而成瘀者，散之則下，以其能下瘀，故曰去惡。以其能和血，故曰養新。此爲散寒逐濕後之自然作用，不能認爲乾薑之直接效驗也。凡關於說理錯誤者，雖不能使人明瞭，尙無大害。故血虛者用之一語，則至有出入。凡血爲寒濕所阻者，昔人均名之曰虛。如究其實，則係阻而非虛。今明示之曰血虛，如信其說而用之於眞血虛。

證若不血枯而死。必冒血而死矣。故不能不爲之辨明也。其所謂吐血衄血下血之有陰無陽者。係寒濕阻滯之病。故散寒逐濕。可以和氣而止血。並非無陽。陽爲陰蔽而已。其曰熱因熱用。以吐血衄血下血爲熱也。不知熱能吐血下血。寒亦能吐血下血。以血阻則溢。故通阻可以止血。熱阻者以清熱爲通阻。寒阻者以散寒爲通阻。以乾薑治吐血衄血下血。卽爲散寒通阻之法。仍屬寒因熱治。並非熱因熱治也。

○四逆湯 治陰寒脉沉四肢厥冷嘔吐泄瀉

附子 乾薑 甘草

○理中湯 治胸痹心胸痞氣霍亂吐瀉不渴一切脾胃虛寒嘔吐清水
飲食不入完穀不化

乾薑 人參 白朮 甘草

○乾薑黃芩黃連人參湯 治胃虛客熱痞滿

乾薑 人參 黃芩 黃連

第一方以附子乾薑散寒逐濕。甘草和氣。氣血爲寒濕阻滯則不能暢達於四肢而脉沉厥冷。腸胃積濕不能宣化則嘔吐泄瀉。此爲危證。惟能識得此證而治得其法。即可轉危爲安。蓋濕阻之證。一經化寒逐濕。轉變極易。轉變之後。祇須調養。即可健全。以病勢至此。亦已衰竭。寒濕一化。則陽氣自振也。第二方以乾薑散寒逐濕。人參益氣。白朮利濕。甘草和氣。心胸痞氣。吐瀉而不渴。胸有寒濕也。故以散寒逐濕主治。而佐以利濕。使寒濕溫化。氣和而止吐瀉也。第三方以乾薑散寒逐濕。人參益氣。黃芩黃連清熱燥濕。此爲寒熱夾雜之證。胃寒而胸膈有熱。並以濕阻而痞滿。故以乾薑散胃寒。黃芩黃連清胸膈之濕熱。以除痞滿。

生薑

性味 辛微温無毒

效用 主去臭氣通神明

說明 生薑性味辛温。本經主去臭氣通神明。以辛能散氣而利竅也。別錄歸五臟除風邪寒熱。風邪氣之不正者也。感不正之氣則生寒熱。故以生薑散風邪。並可以清寒熱也。頭痛鼻塞傷於風也。辛能驅風。温能逐寒。故驅風可以治頭痛。逐寒可以愈鼻塞。咳逆上氣。由於氣阻。以辛温散氣則可以通阻。故能除咳逆上氣也。寒滯則痰水不化而嘔吐。辛能散氣。温能化水。水氣既化。則疾去而氣順。惟生薑之辛散而不守。達表有餘。温中不足。若外驅表邪。內通滯氣。則舍此莫屬也。

○二陳湯 治脾胃痰濕

半夏 茯苓 陳皮 甘草 生薑 烏梅肉

○橘皮湯 治乾嘔噦手足厥

橘皮 生薑

第一方以半夏瀉肺除痰。茯苓利濕。陳皮生薑散濕利氣。甘草和氣。烏梅肉收澀斂氣。脾胃痰濕。須以燥濕利氣主治。燥濕則氣化而痰不生。利氣則氣燥而濕自化。二者有循環作用。故本方長於治脾胃濕痰也。第二方以橘皮生薑散結利氣。氣阻則嘔血。不和則厥。散結可以止嘔。利氣可以止厥。惟此二味祇能治輕微之氣病。故所謂厥者。但手足微冷耳。

赤小豆

性味 甘酸平無毒

效用 主下水腫排癰腫膿血

說明 赤小豆性味甘酸平。本經下水腫。以其能收澀而利水也。癰腫膿血。均為濕熱化毒之證。故利水收澀。有排癰腫膿血之效。以濕去則腫退而不能

繼續化膿也。別錄療寒熱中消渴。濕滯則寒。濕化則熱。利水可以瀉濕。故能治寒熱中。濕阻而胃熱則氣不運化而引飲無度。故利水瀉濕可以化熱。通阻而治消渴。腸中積水不化通洩痢。利水可以瀉腸濕。故能止洩痢。腎爲濕阻則小便不利。收澀利水則濕散氣行而小便自通。下腹脹滿爲水氣阻滯所致。故利水可以消脹。水積於胸膈則吐逆。水積於大腸則卒澀。故利水可以治吐逆而止卒澀。甄權用以治熱毒散惡血。除煩滿通氣健脾。胃濕化爲熱則成熱毒。利水可以瀉濕。酸收可以制濕。故能治熱毒。濕阻則血不暢行。久阻則血受濕熱之薰蒸而化毒。故利水而收澀則濕化而惡血隨之。以散。水濕阻滯則煩滿而氣窒。故利水可以除煩而快氣也。惟赤小豆利水極捷。服之須以中病爲度。如過量則水涸而化燥。有傷氣血也。

○瓜蒂散 治胸中寒實

瓜蒂 赤小豆

○赤小豆當歸散 治蟲食其肛已成膿者

赤小豆 當歸

○麻豆煎 治水氣通身浮腫百藥不瘥

大麻子 赤小豆

第一方以瓜蒂使吐。赤小豆使利。胸中寒實積水不化也。水多則溫化不能生效。故使在上者涌吐。在下者疏利。第二方以赤小豆利水。當歸燥濕。蟲生於濕。故燥濕可以殺蟲。酸收可以制濕。利水可以瀉濕。濕盡則膿失其化源矣。第三方以大麻子驅風。赤小豆利水。因氣中有水分而浮腫。故驅風可以散氣。利水可以退腫也。

大豆黃卷

性味 甘平無毒

效用 主濕痺筋攣膝痛

說明 大豆黃卷本經主治濕痺筋攣膝痛。濕阻而氣滯則成痺。氣阻而筋急則成攣。濕注於膝而化熱則痛。故散濕可以利氣。濕去而氣和則痺自除。筋攣可愈而膝痛可止。別錄主治五臟不足。五臟爲濕所阻則不能運行氣血。氣血不足而爲虛。其所以不足之故。則在濕阻。故以散濕主治。胃爲濕阻則胃氣結積。故散濕可以利氣而消積。濕滯則氣阻而痛。故散濕可以益氣而止痛。照本經及諸家主治。大豆黃卷實具驅風散濕之效。張氏醫通所謂入脾胃散濕熱者是也。因濕阻而無汗。散濕則通阻而出汗。此爲散濕後之自然作用。大豆黃卷之目的則在散濕而不在出汗也。近人不問有濕無濕。均用以發汗。既不合經旨。故無良好之成績。卽用以散濕亦祇能散潛伏之濕。而治虛勞一類之病。不能用以治時證也。

○薯蕷丸 治虛勞不足風氣百疾

薯蕷 人參 阿膠 乾地黄 當歸 桂枝 神麩 大豆黃卷
 麥門冬 防風 川芎 芍藥 白朮 杏仁 柴胡 桔梗 茯苓
 大棗 乾薑 白欵 甘草
 右方以薯蕷收濕。人參益氣。阿膠補血。當歸行氣活血。桂枝散濕利氣。神麩消積。大豆黃卷散濕。麥冬杏仁瀉肺。防風驅風。川芎柴胡行氣散濕。芍藥燥濕利氣。白朮茯苓利濕。桔梗白欵散結利氣。乾薑散寒。甘草大棗和氣。本方所治之病純爲寒阻濕滯所致。故以散濕利氣主治。大豆黃卷如此用方。最爲適當。

白薇

性味 苦鹹平無毒

效用 主暴中風身熱肢滿忽忽不知人狂惑邪氣寒熱酸疼溫瘧洗洗發作

有時

說明 白薇性味苦鹹平。本經主治暴中風。以其有燥濕驅風之效也。中風而身熱爲風熱。肢滿爲風阻。痰濕阻滯則忽忽不知人。苦能燥濕。鹹能制血利氣。故能散風熱而通濕阻。熱甚則狂。神志不清則惑。白薇有燥濕驅風之效。故可以散熱而治邪氣。寒熱酸痛與溫瘧均爲由濕化熱所致。故燥濕可以清熱而治以上諸病。千金治婦人遺尿熱淋血淋。濕阻則氣滯而小便失其節制之力。故燥濕可以回復其節制力而治遺尿。濕熱阻滯則淋。故燥濕清熱可以治淋。別錄謂其性大寒。以其有清熱之效也。實則苦能燥濕而散熱。鹹能制血而清熱。不必大寒而始能清熱也。

○詔書發汗白薇散 治傷寒三日不解

白薇 杏仁 貝母 麻黃

○竹皮大丸 治產後虛煩嘔逆

生竹茹 石膏 甘草 桂枝 白薇 大棗

第一方以白薇燥濕散風熱。杏仁貝母除痰利氣。麻黃燥濕利氣。本方所治之病雖爲傷寒。以濕阻氣滯。雖治以解表之藥而熱不解。故用白薇以燥濕驅風。杏仁貝母以瀉肺利氣。麻黃本爲開肺之主藥。而本方以白薇爲主藥。用麻黃爲佐。可知白薇有化濕驅風之特效。三日不解者係風熱燥濕利氣。可以驅風而散熱。故以白薇爲主藥也。第二方以生竹茹清肺熱。石膏清胃熱。甘草和氣。桂枝散濕利氣。白薇燥濕散熱。大棗和胃。風濕阻滯。脾胃俱熱。故以清熱散濕主治。而以和氣和胃爲佐。本方中之白薇。在治虛煩。苦能燥濕。鹹能制血。皆可以治煩也。

敗醬草

性味 苦平無毒

效用 主暴熱火瘡赤氣疥癩疽痔馬鞍熱氣

說明 敗醬草性味苦平。本經主治暴熱火瘡赤氣。以其能燥濕而清熱也。疥癩疽痔馬鞍熱氣。均為風濕所化。故以燥濕清熱主治。別錄除癰腫浮腫結熱風痺。燥濕可以清熱而退腫。濕盡則氣散而風痺得愈也。張氏醫通謂其性專下泄。膿成勢張者不可用。而甄權治毒風癩痺。破多年凝血。謂能化膿為水。而仲景敗醬散即用以治腸癰之有膿者。當以甄氏之說為是也。

○敗醬散 治腸癰有膿者

敗醬草 薏苡仁 附子

○敗醬湯 治產後疼痛引腰腹中如錐刀所刺

敗醬草 桂心 川芎 當歸

○腸癰湯 治腸癰

牡丹 甘草 敗醬 生薑 茯苓 桔梗 薏苡仁 麥門冬

丹參 芍藥 生地黃

第一方以敗醬草排膿解毒。薏苡仁散濕弛筋。附子驅風逐濕。腸癰爲積濕化毒而成。故以排膿解毒爲主。而佐以散濕。薏苡仁能散蘊濕。其力不強。本方所以用之者。凡患腸癰者多筋攣。以其有弛筋之效。第二方以敗醬草燥濕利氣。桂心破血。川芎散濕利氣。當歸行氣活血。疼痛爲氣血阻滯所致。故以破血散濕爲治。破血可以通阻。散濕可以利氣。氣行血調。則可以止痛。第三方以牡丹瀉血滯。甘草解毒。敗醬排膿。生薑桔梗散結氣。茯苓利濕。薏苡仁弛筋。麥門冬瀉肺利氣。丹參清熱燥濕。芍藥燥濕利氣。生地黃清血熱。濕阻則氣滯而化毒。故清熱燥濕可以解已化之毒。佐以利氣。使氣散而毒盡。

白鮮皮

性味 苦寒無毒

效用 主頭風黃疸效逆淋瀝女子陰中腫痛濕痺死肌不可屈伸起止行步說明 白鮮皮性味苦寒。本經主治頭風黃疸。濕熱上衝則爲頭風。蘊濕化熱則爲黃疸。故燥濕清熱可以治頭風黃疸也。肺中積濕化熱則效逆。腎中積濕化熱則淋瀝。女子陰中積濕化熱則腫痛。故燥濕清濕可以治效逆淋瀝陰腫也。濕阻不化則氣滯而爲濕痺。痺久不除則爲死肌而不可屈伸。不能起止行步。故燥濕清熱可以治濕痺死肌也。惟濕之寒滯者當以溫化。若治以若寒。則燥濕不足。而助寒有餘。非但不效。反足增病。故須俟其化熱而用之。甄權用以治一切熱毒風。壯熱惡寒及五黃。皆在積濕化熱之候。深合本經之旨。而可以取法者也。

○白鮮皮湯 治小兒風癩胸中有痰

白鮮皮 蚱蟬 大黃 甘草 鉤藤皮 細辛 牛黃 蛇蛻皮

○續命丹 治男子婦人卒中諸風

川芎 羌活 南星 川烏 天麻 白鮮皮 當歸 防風

海洞皮 地榆 虎骨 熟地黃 硃砂 生烏蛇 鉛白霜

乾蝎 肉桂 牛黃 雄黃 輕粉 麻黃 酒

○解毒天漿散 治楊梅瘡遍身潰爛及筋骨作痛

天花粉 防風 防己 皂角針 白蘚皮 連翹 川芎 當歸

風籐 木瓜 金銀花 蟬蛻 薏苡仁 甘草 土茯苓

第一方以白鮮皮蟬蛻清風熱。蚱蟬鉤籐驅風。牛黃利痰。大黃清熱。細辛散結利氣。甘草和氣。痰多而氣閉則爲風癩。故利氣散結清熱除痰。使氣和而熱散。痰去而通閉也。第二方以羌活防風川烏天麻南星虎骨生烏蛇乾蝎治風。白鮮皮海桐皮清風熱。地榆散血熱。熟地肉桂散寒濕。川芎當歸行氣活血。硃砂鉛白霜輕粉雄黃除痰。中風爲氣血阻滯所致。故以行氣活血主治。以氣閉之故。更著重於治氣。欲治氣必須通阻。其次則利痰。若烏蛇乾蝎

之類。不但有驅風之效。並能散血而活動神經。故爲大人中風小兒驚癇所常用也。第三方以天花粉連翹清熱。金銀花甘草解毒。當歸行氣活血。防風防己白鮮皮風籐木瓜蟬蛻蕙苡仁驅風散濕。皂角針殺蟲。土茯苓清熱解毒。本方所治之楊梅瘡。爲一種風濕病。故所用均爲驅風散濕之藥。與現在之所謂梅毒者。名同而實異也。

蓼子

性味 辛溫無毒

效用 主明目溫中耐風寒下水氣面浮腫癰瘍

說明 蓼子性味辛溫。本經主明目溫中耐風寒。以辛能散風故明目。溫能逐寒故溫中而耐風寒。濕散於氣中則爲水氣。散於頭面則浮腫。辛溫可散濕而利氣。故能下水氣而治浮腫。癰瘍爲濕所化。故散濕可以療癰瘍。古今錄

驗以蓼子治三十年寒下。為諸藥所不能療者。可知其確有散寒逐濕之效。

○鷓鴣丸 治食鯨魚成痞

鷓鴣 蓼子 白朮 阿魏 神麩 茯苓 當歸 橘紅 甘草

右方以鷓鴣阿魏神麩消積。蓼子白朮茯苓利濕。當歸行氣。橘紅散濕利氣。甘草和氣。食鯨魚成痞而以鷓鴣為主藥。以鷓鴣食魚。故以消魚積。蓼子性溫。能散寒濕。佐以阿魏神麩。即無鷓鴣亦有消積之效也。

土瓜根

性味 苦寒無毒

效用 主消渴內癰。瘀血月閉。寒熱酸疼。益氣癒聾。

說明 土瓜根性味苦寒。本經主治消渴內癰。以濕阻氣滯而胃熱則消渴。濕阻而氣積則內癰。苦能燥濕。寒能清熱。燥濕則可以通阻。而和氣。清熱則可

以潤胃。故治消渴而除內痺也。濕熱阻滯則血不暢行。積而爲瘀血爲月閉。故清熱燥濕可以下瘀血而通月閉。積濕化熱則寒熱夾雜而身體酸疼。故清熱燥濕可以治寒熱而止酸痛。氣爲濕阻則不足耳。爲氣阻則聾。故散濕可以益氣而愈聾。別錄療諸邪氣熱結鼠瘻。大明治天行熱疾。均以其燥濕而能清邪熱也。

○土瓜根散 治帶下少腹滿或經一月再見

土瓜根 芍藥 桂枝 蜚蟲

○土瓜根散 治小便如泔

土瓜根 桂心 牡蠣粉 白石脂 菟絲子

○土瓜丸 治諸藏寒氣積聚煩滿熱少腹中急結痛引陰中

土瓜根 桔梗 杏仁 大黃

第一方以土瓜根清熱燥濕。芍藥燥濕利氣。桂枝宣散寒濕。蜚蟲破血逐濕。

帶下經阻爲濕熱病。故清熱燥濕以治其本。破血逐濕以治其標。標本兼治。則經通而帶止矣。第二方以土瓜根清熱燥濕。桂心散寒。牡蠣粉白石脂收濕。菟絲子散濕。腎中積濕化熱而致濕熱阻滯則小便如泔。故以清熱燥濕主治也。第三方以土瓜根清熱燥濕。桔梗散濕利氣。杏仁瀉肺。大黃清熱導積。所謂寒氣積聚。實係寒濕積聚。濕爲寒阻則不能運化而煩滿。熱少係指未經化熱之時。如至腹中急結痛引陰中。則濕已化熱。故土瓜根大黃均爲苦寒之藥。用以清濕熱者也。

厚樸

性味 苦溫無毒

效用

主中風傷寒頭痛寒熱驚悸氣血痺死肌去三蟲

說明

厚樸性味苦溫。本經主治中風傷寒。以苦能燥濕。溫能散寒。燥濕可以

驅風溫氣可以逐寒。故能治中風傷寒也。頭部中寒而氣不和則頭痛。濕化而氣不和則寒熱。熱盛而氣阻則驚悸。故以苦溫燥濕散寒。則可以治頭痛而除寒熱止驚悸。氣血爲濕所阻則成痹。肌膚爲濕所阻則成死肌。故燥濕散寒可以除痹而治死肌也。蟲生於濕。故燥濕可以殺蟲。厚樸雖爲性溫之藥。濕已化熱者亦能用之。因苦能燥已化之濕。溫能散未化之濕也。別錄溫中益氣消痰下氣。厚腸胃去腹滿。好古均誤作本經之言。乃曰與枳實大黃同用則能泄實滿。所謂消痰下氣是也。若與橘皮蒼朮同用則能除濕滿。所謂溫中益氣是也。與解利藥同用則治傷寒頭痛。與瀉痢藥同用則厚腸胃。大抵其味苦溫。用苦則泄。用溫則補也。如此解釋。實背經旨。無論其所引諸語。皆出別錄而不出於本經。卽別錄亦祇言本藥之效。絕無與他藥同用始能發生效力之例。且好古所謂消痰下氣。溫中益氣。治傷寒頭痛厚腸胃。皆爲燥濕散寒之效。厚樸特具之長。實無同用之必要。卽使同用亦以厚樸爲

主藥。他藥爲輔佐。決不能謂厚樸不得諸藥之輔佐。不能發生此效力也。好古之作是說。足見其不通本經。不明藥效。而李氏更引其說。列於本草綱目發明之中。如此發明。則愈發而愈不明也。蓋厚樸爲治一切濕病之專藥。凡熱病挾寒濕者。以溫藥治之。則助熱。以清藥治之。則助寒。均不能適中病勢。惟有以厚樸燥濕散寒。則寒濕俱化。而可以獲愈。或以能殺蟲而認爲有小毒。不知燥濕可以殺蟲。不必有毒。而方能殺蟲也。或畏其燥而不敢用。不知濕非燥不除。遇濕病正求燥而不得。豈可舍燥而不用。近人宗養陰之說者。都未能善用濕藥。是以對於濕病。往往不能應手而愈。至疹瘡頻發。或至於危殆。此風不變。大足爲進步之阻也。

○厚樸生薑半夏甘草人參湯 治傷寒發汗後腹脹滿

厚樸 生薑 半夏 甘草 人參

○平胃散 治脾胃不和不思飲食脅肋脹滿噎隔反胃

厚樸 陳皮 甘草 蒼朮

○滲濕湯 治一切濕證

蒼朮 白朮 赤茯苓 陳皮 澤瀉 猪苓 甘草 香附 川芎
砂仁 厚樸

第一方以厚樸燥濕利氣。生薑辛溫散氣。半夏除痰通氣。人參益氣。甘草和氣。發汗後濕未盡散。其殘餘之濕積聚於腹部。故覺脹滿。是以用燥濕利氣主治。使濕散而氣和。此本方之所以用濕藥為主。而以氣藥為佐也。第二方以厚樸蒼朮燥濕散寒。陳皮散濕利氣。甘草和氣。脾胃為寒濕阻滯。則失其運化之力。而不思飲食。故用苦溫以燥濕散寒。而佐以和氣散濕。則濕去寒化。而諸病皆除矣。第三方以蒼朮厚樸燥濕散寒。白朮陳皮散濕利氣。赤茯苓澤瀉猪苓燥濕利水。香附川芎砂仁散濕利氣。甘草和氣。水能化濕。故治濕盛之病。注重利水。以絕其化源。氣燥則濕化。故燥氣之藥。足為散濕之助。

蒼朮厚樸雖同爲苦溫之藥。而厚樸之力平。蒼朮之力暴。故苟非濕盛而氣浮。可以迅速溫散者。不必用蒼朮而不可不用厚樸。本方須治濕盛而已化者。否則嫌其燥氣太過矣。

黃蘗

性味 苦寒無毒

效用 主五臟腸胃中結熱黃疸腸痔止洩痢女子漏下赤白陰陽傷蝕瘡

說明 黃蘗性味苦寒。本經主治五臟腸胃中結熱黃疸。以結熱黃疸均爲濕

已化熱之證。故苦以燥濕。寒以清熱。則結熱可散而黃疸可治也。腸痔亦爲濕熱所化。故以清熱燥濕爲治。洩痢女子漏下赤白均爲濕病。故以燥濕主治。惟濕已化熱者。可治以苦寒。若未化熱者。當溫化。本經揭出熱結二字。指已化熱者而言也。陰傷蝕瘡均爲積濕化熱所致。故以清熱燥濕爲治也。黃

藥爲治腸胃中濕熱之專藥。故用以治腸炎痢疾等濕熱病。均有特效。惟有濕而無熱者不能清。有熱而無濕者不能燥。若用之於由濕化熱之候。則奏效神速矣。

○梔子蘖皮湯 治太陽證身黃發熱

梔子 蘖皮 甘草

○金花湯 治熱毒內蘊

黃連 黃芩 黃蘖

○大黃黃柏湯 治發黃腹滿小便不利而赤自汗出

大黃 黃柏 芒硝 梔子

第一方以梔子清熱。蘖皮清熱燥濕。甘草和氣。身黃發熱。濕已化熱也。梔子能清蘊積之濕熱。故用以治發黃。蘖皮能治已化之濕熱。故以二味治身黃發熱。濕化則氣不和。故燥濕清熱而佐以和氣。第二方黃連黃芩黃蘖均爲

苦燥之藥。因熱毒內蘊。爲單純之濕熱病。故祇須以清熱燥濕爲治。至黃連能清胸膈之熱。黃芩能清肌表之熱。黃蘗能清下焦之熱。故三味雖同爲苦寒之藥。有清熱燥濕之效。而分析其效用。仍各有主治。第三方以大黃清熱導滯。黃柏清熱燥濕。芒硝蕩積瀉濕。梔子清積熱。濕化而不作大熱。則蘊積而發黃。故治黃雖須用清熱燥濕之藥。而必須清其積熱。以腹滿故須蕩積。以小便赤。知其有實熱。自汗由於濕之浮越而外散。但濕不能以汗解。故濕病雖發汗不能清熱。必燥濕始能清熱也。黃柏卽黃蘗。

梔子

性味 苦寒無毒

效用 主五內邪氣。胃中熱氣。面赤酒皸。皸鼻白癩。赤癩。瘡瘍。

說明 梔子性味苦寒。本經主治五內邪氣。胃中熱氣。氣中挾濕。則爲邪氣。積

濕化熱則爲熱氣。故清熱燥濕可以治邪氣熱氣也。面赤酒皸。鼻均爲蘊濕之散於頭面者。白癩赤癩瘡瘍均爲蘊濕之化毒而已潰者。濕化則熱。故均以燥濕清熱爲治也。惟性味雖屬苦寒。並非大苦大寒。故本經用以清氣中之熱。燥氣中之濕。凡寒濕阻滯於胸膈間。發爲微熱而不能運化。或吐下之後。胃間尙有餘熱。皆可以梔子清之。梔子之能止嘔。以清其氣中之濕熱也。梔子之能涌吐。以激其氣中之濕熱也。故在濕已化熱。寒猶未盡。寒熱相持之際。可用梔子和解之。其治懊懣煩躁。卽和解之效也。

○梔子豉湯 治汗下不解。虛邪留於膈上。心下結痛。虛煩懊懣。不得眠。反覆顛倒。臥起不安。

梔子 香豉

○梔子甘草豉湯 治下後少氣

梔子 甘草 香豉

○梔子乾薑湯 治丸藥大藥後身熱不去微煩

梔子 乾薑

第一方以香豉散濕。梔子燥濕清熱。汗下不解則表裏不和。故反覆不安。以氣中挾濕也。以香豉散在表之濕。梔子燥在裏之濕。而清其殘餘之熱。則結痛止而臥起安矣。第二方以梔子清氣中之濕熱。香豉散集表之濕而和之。以甘草下後不和而氣阻。故少氣。氣之所以受阻。以氣中有濕也。故清其表裏之濕。而以和其氣則安。第三方以梔子清氣中之濕熱。乾薑散寒。大下後身熱而煩。寒重而氣虛則熱。氣中挾濕則煩。故以乾薑散寒。使氣和而退熱。梔子燥濕。使氣化而除煩。

杏仁

性味 甘苦溫有小毒

效用 主欬逆上氣雷鳴喉痺下氣產乳金瘡寒心奔豚

說明 杏仁味甘苦而性溫。本經主治欬逆上氣雷鳴。以苦能燥濕。甘能和氣。溫能散寒也。氣爲寒濕阻滯則欬逆。氣阻於胸膈而不能下達則上氣。上不能散。下不能洩則雷鳴。故燥濕散寒。可以和氣而止咳逆。治雷鳴也。喉中積濕不散則喉痺而氣阻。故燥濕散寒。可以治喉痺而下氣。金瘡挾濕則氣滯而難愈。寒濕阻滯於心口則心不能輸血。濕阻於下而氣上衝則奔豚。故燥濕逐寒。可以治金瘡愈寒心而止奔豚也。元素用以除肺熱。治上焦風燥。利胸膈氣逆。潤大腸氣閉。濕化爲熱則肺熱。故燥濕可以除熱。濕阻而氣不化則爲風燥。故燥濕散寒。可以治風燥。濕阻於胸膈則氣逆。燥能除濕。溫能化濕。濕去則氣化而可以除逆。杏仁本爲燥藥。以大腸因濕阻而氣閉。故燥濕則氣化而潤。可以通閉。如誤爲潤藥而用以滋燥。勢必愈滋而愈燥。卽有濕病。亦當中病卽止。不可久服也。

○麻黃杏仁薏苡甘草湯 治風濕一身盡疼日晡發熱加劇

麻黃 甘草 薏苡 杏仁

○麻黃杏仁甘草石膏湯 治發汗後汗出而喘

麻黃 杏仁 甘草 石膏

○苓甘五味加薑辛半夏杏仁湯 治水去嘔止其人形腫

茯苓 甘草 五味 乾薑 細辛 半夏 杏仁

第一方以麻黃散濕逐寒。甘草和氣。薏苡散濕利氣。杏仁除氣中寒濕。濕阻則氣滯而爲風。濕化熱則關節發炎。而一身盡疼。內熱散於肌表則外面亦感覺發熱。故燥以治已化之濕。溫以散未化之濕。濕化則痛愈而熱止矣。第二方以麻黃散濕逐寒。杏仁除氣中寒濕。甘草和氣。石膏清胃熱。發汗後汗出而喘。以濕集於表則汗出。氣不和則喘。故散濕可以止汗。除氣中之濕則可以止喘。出汗太多則胃液枯竭而失其化源。故本方中以石膏清胃熱而

滋其化源。使濕散而氣和也。第三方以茯苓利濕。甘草和氣。五味斂氣。乾薑散寒。細辛散氣中之濕。半夏杏仁燥濕利氣。水去嘔止而形腫者。濕散而集於表也。故專治氣中之濕。使能運化。濕散則腫退。斂氣使散者聚而歸於和。茯苓可滲未盡之濕。乾薑可化未散之寒。其組織之細密。用藥之精審。大足爲後人師法也。

桃仁

性味 苦甘平無毒

效用 主瘀血血閉癥瘕邪氣殺小蟲

說明 桃仁味苦甘而性平。本經主治瘀血血閉。血受濕阻則久而爲瘀。血化熱而成毒則爲敗血。或爲瘀血阻滯。或爲濕熱阻滯。均成血閉。苦能燥濕而散血。故能下瘀血而通血閉。血阻而有積滯則成癥瘕。故燥濕可以散血而

除癥瘕。血阻則氣不和而爲邪氣。燥濕則散血而可以利氣。故能治邪氣。濕生於蟲。而蟲能蝕血。故燥濕散血可以殺小蟲。李杲曰。其功有四。治熱入血室。泄腹中滯血。除皮膚血熱燥癢。行皮膚凝滯之氣。如僅熱入血室。則當以清血主治。苟因熱入血室化毒而成敗血。則非用桃仁以攻去其敗血不可矣。以病源在熱而不在血。散血雖能泄熱。係治標而非治本也。如皮膚因血熱而燥癢。及皮膚中有凝滯之氣。均可以清熱燥濕。或清熱散濕主治。若舍濕熱不治而徒散其血。雖獲一時之效。散於此者必聚於彼矣。是以李氏所舉四種功用。僅泄腹中滯血一種可以用之而無弊。其他三種均非妥善之法。前人用藥。均憑經驗。既不精究本經。亦不詳審藥效。苟有一得則矜爲奇獲而筆之於書。後人默守成規。用以治病。如不見效。祇須言之有據。用者可以心安而病者雖死無怨也。實則桃仁專治血受濕熱阻滯而成爲敗血之病。苟祇有濕熱而無敗血。絕不可用桃仁。若雖有敗血而並無濕熱者。亦須

温化敗血。然後攻之。否則決不能奏效也。

○桃核承氣湯 治熱結膀胱如狂

大黃 芒硝 甘草 桃仁 桂枝

○抵當湯 治畜血少腹鞭滿小便自利

水蛭 蠱蟲 大黃 桃仁

○下瘀血湯 治婦人產後腹痛有乾血著臍下

大黃 桃仁 蠶蟲

第一方以大黃芒硝清熱蕩積。甘草和氣。桃仁破血。桂枝散濕利氣。熱結膀胱。濕化熱也。故以桂枝散濕除結。桃仁破血散結。第二方以水蛭蠱蟲下濕熱。大黃桃仁清熱破血。血爲濕熱所阻。乃成畜血。故於攻下畜血之時。並攻濕熱。濕熱一散。則畜血易下也。第三方以大黃清熱。桃仁破血。蠶蟲下濕熱。有乾血著臍下。則腹痛。故以桃仁協大黃芒硝攻下其乾血也。

烏梅

性味 酸温平瀆無毒

效用 主下氣除熱煩滿安心止肢體痛偏枯不仁死肌蝕惡肉

說明 烏梅性味酸温平瀆本經主下氣除熱以酸能收瀆利氣温能散寒因

寒阻而氣滯濕化而生熱者散寒可以下氣收瀆可以清熱也氣中挾濕則

氣滯煩滿而心不安收瀆可以利氣故能除煩而安心也濕化爲熱則肢體

痛故酸以收瀆温以散濕可以治肢體痛濕痺則偏枯不仁久痺則成死肌

瘡潰而爲濕阻則生惡肉故收瀆散寒可以治偏枯不仁療死肌而除惡肉

也惟烏梅之用全在散寒斂氣其力不強當寒濕將盡之時其熱就衰之際

對於止咳治痢均極有效以先經濕熱傷氣迨濕盡熱退浮越之氣不能自

斂故能一斂而愈若尙有餘疾者不可斂也仲景用以治虵厥以收瀆斂氣

而制虻也。

○烏梅丸 治數十年久痢不瘥消穀下氣補虛

烏梅肉 黃連 乾薑 吳茱萸 桂心 當歸 蜀椒

○烏梅丸 治虻厥

烏梅 乾薑 人參 黃連 黃蘗 附子 蜀椒 桂枝 細辛 當歸

○五辛湯 治心腹疼痛

細辛 蜀椒 桂心 乾薑 吳茱萸 芍藥 防風 苦參 甘草 乾地黃 當歸 梔子 烏梅 大棗

第一方以烏梅肉斂氣。黃連清熱燥濕。乾薑吳茱萸桂心蜀椒逐寒散濕。當歸行氣活血。久痢不瘥。以寒重濕滯而失其溫化之力也。故燥其未盡之濕。化其積滯之寒。斂其浮越之氣。使寒散濕去而回復其消化之力。第二方以

烏梅收瀋制虻。乾薑附子散寒逐濕。黃連黃蘗清熱燥濕。蜀椒桂枝細辛散濕利氣。當歸行氣活血。人參益氣。虻厥實爲寒濕病。寒重濕盛。未化者爲寒而已化者爲熱。寒熱夾雜則氣不和而厥。虻其名而厥其實也。故溫以散積滯之寒。清以治已化之熱。辛以散寒滯之氣。酸以斂浮越之氣。使氣和而厥止也。第三方以細辛蜀椒散寒滯之氣。桂心乾薑吳萸逐積滯之寒。防風驅風。苦參乾地黃梔子清積滯之濕熱。當歸行氣活血。芍藥烏梅斂氣。甘草大棗和氣。

枳實

性味 苦寒無毒

效用 主大風在皮膚中如麻豆苦癢除寒熱結止利長肌肉利五臟

說明 枳實性味苦寒。本經主治大風在皮膚中如麻豆苦癢。因風濕集表而

化熱。故皮膚中癢。苦能燥濕。寒能清熱。燥濕則可以驅風。清熱則可以止癢。故能除皮膚中苦癢也。濕化爲熱而寒猶未盡則熱不高而寒不散。故苦以燥濕。寒以清熱。可以除固結之寒熱。腸爲濕熱阻滯則痢。故清熱燥濕可以止痢。肌肉爲濕熱阻滯則不長。五臟爲濕熱阻滯則不利。故清熱燥濕可以長肌肉而利五臟也。震亨曰。枳實瀉痰。能衝牆倒壁。滑竅破氣之藥也。痰因濕熱阻滯而生。故清熱燥濕可以除痰。燥濕可以利氣。故爲破氣之藥。元素曰。心下痞。宿食不消。並宜枳實黃連。枳實黃連同爲清熱燥濕之藥。可知心下痞與宿食不消。皆爲濕熱阻滯所致。故以清熱燥濕主治也。惟枳實偏於燥濕。故長於破氣。近人用以消積。卽取其破氣之效也。元素主消食。散敗血。破積堅。去胃中濕熱。因濕熱阻滯而有食積者。燥濕清熱可以利氣而消食。積因濕熱阻滯而成。敗血積堅者。故燥濕清熱可以散敗血而破積堅。苦能燥濕。寒能清熱。故可清胃中濕熱。以性偏於寒。凡病之屬於寒滯者不可用。

枳實攻之。近人多用炒枳實。取其燥濕利氣而避其寒也。

○枳朮湯 治心下堅大如盤邊如旋盤水飲所作

枳實 白朮

○枳實梔子湯 治大病瘥後勞復

枳實 梔子 豆豉

○枳實大黃湯 治傷飲酒食少飲多痰結發黃酒疸心中懊懔而不甚

或乾嘔

枳實 大黃 豆豉 梔子

第一方以枳實燥濕清熱。白朮利濕。邊如旋盤。積水尙未完全呆滯。故燥濕清熱以消導積水則愈。不用其他輔佐藥。第二方以枳實燥濕清熱。梔子清積熱。豆豉散濕利氣。大病後餘濕化熱則勞復。故以燥濕散濕主治而清其餘熱。濕去則熱退而身安矣。第三方以枳實清熱燥濕。大黃清熱。梔子清積

熱豆豉散濕。酒能助濕。濕盛則不能食。其所以能飲者。濕化熱則口渴。飲後酒精能化。而水分則完全積滯。故於化酒之時。感覺舒適而不能不飲。愈飲則愈積。濕化熱而發黃。氣中挾濕則懊懣。濕阻則上不能吐。下不能洩。而乾嘔。故燥濕清熱以導其滯。散濕以利其氣。清積熱以治其黃。積濕得以疏利。則酒疸可治而諸病獲愈矣。

枳殼

性味 苦酸微寒無毒

效用 主大風在皮膚中如麻豆苦癢除寒熱結止痢長肌肉利五臟

說明 枳殼與枳實同爲一物。初生者實滿而名爲枳實。老則中空而名爲枳

殼。開寶主治風癢麻痺。通利關節。勞氣咳嗽。胸膈痰滯。逐水消脹滿。大腸風安胃。止風痛。皆爲燥濕驅風之效。與枳實主治略無差異。好古曰。枳殼主高。

枳實主下。高者主氣。下者主血。故穀主胸膈皮毛之病。實主心腹脾胃之病。大同小異。既以治高治下治氣治血爲之區別。乃以大同小異一語結之。不啻自暴其言之不可靠也。曰高者主氣。若下無氣者。曰下者主血。若高無血者。如此分別。絕不可通。若以枳殼利氣。枳實導滯。則較爲合理。李時珍曰。二物分之可也。不分亦無傷。雖若含混。實爲至理名言。

○柴胡疏肝散 治怒火傷肝脇痛血苑於上

柴胡 橘皮 川芎 芍藥 枳殼 甘草 香附 山梔 煨薑

○沉香導氣散 治脚氣入腹衝心疼痛腫滿大小便秘

羌活 白芍 檳榔 甘草 撫芎 香附 枳殼 紫蘇 蘇子

木瓜 生薑 沉香 木香

第一方以柴胡橘皮川芎香附疎肝利氣。芍藥甘草和氣。山梔清積熱。煨薑散積寒。所謂怒火傷肝。係氣中挾濕。則肝氣不和而脇痛。所謂火。係濕化熱。

也。並非由怒而生。肝氣阻滯則易怒。故燥濕可以利氣而疎肝。氣和則不怒。而脇痛止矣。氣滯則血阻。氣通則血行。故雖血苑於上而不用血藥。但用氣藥。第二方以羌活木瓜治風濕。檳榔撫芎香附枳殼散滯氣。紫蘇蘇子降氣。沉香木香通氣。甘草和氣。脚氣至於腫滿大小便秘。死生在呼吸間矣。本方完全治氣中之濕。氣燥則濕化而大小便得通。腫亦可退。如濕積氣中。此方必可有效。若有積水。或已化熱。則非清熱利水不可。此方之組織以纖巧勝。與古方之大刀闊斧者迥然有別。古方直捷而易解。近世方纖巧而難明。在創製之人。亦具一番苦心。闢此羊腸鳥道。以備康衢不通之用。乃後人舍康衢而惟鳥道是趨。則不但功倍事半。且可因循致誤也。

山茱萸

性味 酸平無毒

效用 主心下邪氣寒熱溫中逐寒濕痺去三蟲

說明 山茱萸性味酸平。本經主治心下邪氣。以酸能收瀆而利氣也。濕阻則氣不和而化爲寒熱。故收瀆可以利氣而除寒熱。濕阻則寒滯。收瀆則氣化而爲溫。故可以溫中。濕盛而寒滯則成痺。故收瀆則可以除濕化寒而逐痺。蟲生於濕。故收瀆可以去蟲。別錄治腸胃風邪寒熱疝瘕。頭風風氣。皆爲氣中挾濕之病。故收瀆可以去邪除寒熱。治疝瘕而愈頭風風氣也。甄權治腦骨痛。療耳鳴。以氣中挾濕而上升。受阻則痛。不和則鳴。收瀆則氣和而可以運行。故能治腦骨痛而止耳鳴也。或以爲性溫。或以爲味辛。以其有驅風逐濕之效也。實則收瀆可以斂氣。浮越之氣。斂之則和。用各有當。不必辛溫始能治濕病也。

○八味丸 治腎藏眞陽不足火不歸

熟地黃 山茱萸 乾山藥 牡丹皮 白茯苓 白澤瀉 附子

肉桂

○無比山藥丸 治諸虛傷損肌肉消瘦耳鳴目暗

赤石脂 茯神 杜仲 肉蓯蓉 山藥 巴戟 澤瀉 牛膝

熟地黃 菟絲子 五味子 山茱萸

第一方以熟地黃散濕。乾山藥山茱萸收瀆。附子肉桂散寒。牡丹皮白茯苓白澤瀉瀉濕。所謂腎藏不足。因寒濕積滯而失其運化之力也。所謂火不歸原。因不能運化而失其生發之力也。故以搜濕瀉濕主治。使濕去而氣和。則真陽足而火自歸原矣。本方之藥完全治潛伏不化之濕。故不用大溫散藥。第二方以赤石脂山茱萸山藥搜濕。牛膝澤瀉。茯神利濕。巴戟熟地菟絲子散濕。杜仲肉蓯蓉溫腎散結。五味子斂氣。本方治諸虛傷損。以全身濕阻不能運化也。故注重其潛伏之濕。收之使盡。散之使和。瀉之使有出路。而以溫腎為主。腎氣一通。則諸虛皆治。惟此種病係積漸而成。難求速效。故製丸以

供常服也。

吳茱萸

性味 辛溫有小毒

效用 主溫中下氣止痛除濕血痺逐風邪開腠理效逆寒熱

說明 吳茱萸性味辛溫。本經主溫中下氣。以辛溫能散寒濕。氣爲寒濕阻滯而不下。散其寒濕則氣自下矣。氣阻則痛。散以辛溫則止痛。溫能散寒。辛能散濕。故能除濕。血爲寒濕阻滯則成血痺。辛溫能散寒濕。故能除血痺。氣阻而化熱則爲風邪。氣閉則腠理不開。辛溫能散氣。故能逐風而開腠理。氣中挾濕則效逆。濕滯則寒。濕化則熱。故成寒熱。以辛溫散濕逐寒。則可以止效。逆而除寒熱。別錄利五臟去痰冷逆氣。飲食不消。心腹諸冷絞痛。中惡。心腹痛。皆用其散濕逐寒之效也。李杲曰。濁陰不降。厥氣上逆。咽膈不通。食則令

人口開目瞪。陰寒隔塞。氣不得上下。此病不已。令人寒中腹滿。膨脹下利。宜以吳茱萸之苦熱泄其熱氣。用之如神。諸藥不可代也。不宜多用。恐損元氣。李氏所謂濁陰不降。係寒濕阻滯也。濕阻則氣逆而咽喉不通。食不得下。積而不化。則其阻益堅。而腹滿膨脹。下利係滿而自泄也。以吳茱萸散其寒濕。故能消脹而止利。既通而又散之。則氣復不和。故曰不宜多用。凡由濕化熱。濕猶未盡之際。因寒熱衝突而氣痛嘔吐者。協黃連治之。立能止痛止嘔。以吳茱萸能散未化之寒濕。黃連能清已化之濕熱也。

○吳茱萸湯 治陽明病食穀欲嘔

吳茱萸 人參 生薑 大棗

○吳茱萸湯 治婦人先有寒冷胸腹痛或寒或下痢氣息綿憊欲絕產後益劇等證

吳茱萸 防風 桔梗 乾薑 甘草 細辛 當歸 乾地黃

○佐金丸 治肝經鬱熱吐酸水有雜色

吳茱萸 川黃連

第一方以吳茱萸散寒逐濕。人參益氣。生薑散結利氣。大棗和氣。陽明多濕病。食穀欲嘔。濕阻而氣不和也。故以散寒逐濕爲主。而佐以散結利氣。寒濕去則氣和。用大棗以其能和胃氣也。人參可助吳茱萸散濕而平胃氣。胃氣既平則食穀不嘔矣。第二方以吳茱萸散寒逐濕。防風驅風。桔梗細辛散氣中寒濕。乾薑散寒。甘草和氣。當歸行氣活血。乾地黃清熱。寒冷腹痛爲寒濕阻滯所致。氣息綿憊欲絕。氣爲濕阻。故於散寒逐濕之外。並散氣中之濕。產後益劇。以產後氣血失調也。故以當歸行氣活血。使氣血調和。第三方以吳茱萸散寒逐濕。川黃連清熱燥濕。肝經鬱熱。濕化熱也。吐酸水濕阻而寒盛也。故以辛溫散其未化之寒濕。苦寒清其已化之濕熱。濕散而熱退。則肝氣平而酸水止矣。

豬苓

性味 甘平無毒

效用 主痲瘡解毒。蠱症不祥。利水道。

說明 豬苓性味甘平。本經主治痲瘡。痲瘡爲二日一發之瘡。係由濕化熱之證。豬苓有滲濕之效。故可以治痲瘡也。濕能化毒。故滲濕可以解毒。蠱症爲蟲病。蟲喜濕而惡燥。故滲濕可以治蠱症。不祥爲變異之氣。氣中挾濕則身體有變異。故治以豬苓。上工治未病。此之謂也。濕阻則水道不利。豬苓能滲濕。故能利水道。甄權用以解傷寒溫疫。大熱發汗。主腫脹。滿腹急痛。傷寒溫疫。因由濕化熱而發爲大熱。故滲濕可以止熱。水濕固結。失其宣化之力。而脹滿無汗。滲濕可以利水。而回復其宣化之力。故能發汗而除脹。水濕阻滯。則滿腹急痛。故滲濕可以利氣而止痛。豬苓與茯苓性味相同。效用亦相近。

惟茯苓較爲和平。故用以滲濕。豬苓力量較大。故兼能利水。如濕重者二味可以同用也。

○豬苓湯 治脉浮發熱渴欲飲水小便不利

豬苓 茯苓 澤瀉 滑石 阿膠

○豬苓散 治嘔吐後思水者

豬苓 茯苓 白朮

第一方以豬苓利水。茯苓滲濕。澤瀉瀉濕。滑石收濕。阿膠散氣。脉浮發熱爲濕化熱。渴欲飲水與小便不利均爲濕阻所致。故滲濕散氣可以利水而洩熱。水去而氣和則渴止矣。第二方以豬苓利水。茯苓滲濕。白朮燥濕。濕阻而水不能化則嘔吐。吐而思水。濕阻未通。故水氣不能上達。滲濕利水則水濕去而氣能宣化則不思水。曰思水而不曰引飲。雖思水得水後仍不能飲也。此爲濕病之徵象。見此則可知其濕阻也。

蕪荑

性味 辛平無毒

效用 主五內邪氣散皮膚骨節中淫淫溫行毒去三蟲化食

說明 蕪荑性味辛平。本經主治五內邪氣。以辛能散氣也。皮膚骨節中有積濕化熱則淫淫溫。蕪荑能散皮膚骨節中之濕。故能治淫淫溫。濕滯則毒聚。故散濕可以行毒。蟲生於濕。散濕則可以去蟲。食爲濕阻則不能消化。故散濕可以化食。孟詵用以殺蟲止痛。治婦人子宮風虛。小兒疳瀉冷痢。蟲蝕則痛。故殺蟲可以止痛。子宮風虛爲濕阻之病。濕阻則氣滯而爲風虛。故以散濕利氣主治。食積不化則成疳。腸中濕滯則瀉痢。故散濕可以消積而止痢。

○蕪荑散 治小兒蟲痛

白蕪荑 乾漆

○下蟲丸 治小兒疳蝨諸蟲

苦楝根皮 綠色貫衆 木香 蕪荑 桃仁 檳榔 鶴虱 輕粉

乾蝦蟆 史君子

第一方以蕪荑散濕利氣。乾漆破血。此二味均能殺蟲。蟲痛殺蟲則可以止痛。氣血阻滯而痛。破血利氣亦能止痛也。第二方以木香檳榔利氣。桃仁蝦蟆破積行血。苦楝根皮貫衆鶴虱輕粉史君子殺蟲。濕積而不化則氣血俱病而生蟲。故以破血利氣為主。而佐以殺蟲。氣血調和則蟲病自愈矣。

皂莢

性味 辛鹹溫有小毒

效用 主風痺死肌邪氣風頭淚出利九竅

說明 皂莢性溫味辛而鹹。本經主治風痺死肌邪氣。以其能驅風而利氣也。

辛能散氣。溫能散寒。寒阻則成風。久而為痺。痺而不化則成死肌。故以辛溫逐寒散氣。可以治風痺死肌也。濕化為熱。則氣不和而為邪氣。風中於頭目。則淚出。濕阻而氣滯。則九竅不利。故散寒逐濕。可以治邪氣驅頭風而利九竅。別錄療腹脹。消穀除咳嗽。氣阻而脹。散氣則可以止脹。濕阻而完穀不化。散濕則可以消穀。氣阻則咳嗽。利氣可以止咳。因味辛而善竄。故氣閉者用以搐鼻。則開閉。辛能散結。故濕腫者用以塗敷。則可以消腫。凡濕熱痰積痰迷癩妄等證。皆可用以主治。以其有散結利氣之效也。

○稀涎散 治中風卒倒痰涎壅盛

豬牙皂角 白礬

○千縉湯 治風痰喘急脉證俱實者

半夏 皂莢 生薑 甘草

第一方以白礬除痰。皂莢開竅。以痰盛氣閉。故用為急救。非治本之法也。第

二方以半夏除痰利氣。皂莢開竅定喘。生薑散結氣。而和之以甘草。此方用以散風痰而除喘急。亦屬急救性質。皂莢在內服藥中祇能治標而不能治本也。

秦皮

性味 苦微寒無毒

效用 主風寒濕痺。洗洗寒氣。除熱。目中青翳白膜。

說明 秦皮味苦而性微寒。本經主治風寒濕痺。以其能燥濕而利氣也。洗洗寒氣。係氣中挾濕。欲化而不能也。故燥之以促其化。濕化則熱。燥能去濕而寒能清熱。故用以除熱。若無濕之熱。則可以清而不可以燥也。濕阻則氣不和而成風。目中乃生翳膜。燥濕可以去風。風去則氣和而翳膜自消。大明曰。秦皮之功。洗肝益精明。目退熱。肝為濕阻。則氣滯而目不明。肝通腎。肝氣不

和則腎氣亦受其影響。故散阻肝之濕。上可明目而下可益腎。腎氣宣化則精氣自充。明目之效。實在燥濕驅風。而退熱爲燥濕之副作用。性雖微寒。不能用以清熱也。好古曰。痢則下焦虛。故張仲景白頭翁湯以黃蘗黃連秦皮同用者。皆苦以堅之也。古人對於寒濕病皆稱之曰虛。惟白頭翁湯所治者爲濕熱病。故以清燥主治。不能稱虛。濕盛則氣阻而腸失其運化之力而痢。故清以治其熱。燥以去其濕。使腸能運化則痢止矣。所謂苦以堅之。腸中有積濕則浮腫而不堅。故燥濕可以退腫而使堅。濕藥至多而效用各別。凡腸炎發熱。熱度雖不高。而以其他清熱燥濕之藥治之皆無效。一用黃蘗秦皮則立可退熱。惟宿有腸病者。雖若可治。而生者極少。此宜注意也。

○白頭翁湯 治熱痢下重

白頭翁 黃連 黃柏 秦皮

○洗肝乾藍煎

乾藍 車前子 苦竹葉 秦皮 細辛 決明子 蕤仁 山梔子

升麻 芍藥

第一方以白頭翁燥濕逐寒。黃連黃柏秦皮清熱燥濕。熱痢爲濕病。濕之已化者爲熱。故以清熱燥濕主治。濕之未化者爲寒。故以燥濕逐寒治之。濕已大部化熱而熱重。故用三味清燥藥一味溫燥藥。第二方以乾藍清肝熱。車前利水。苦竹葉山梔子清積熱。細辛升麻散結利氣。決明子蕤仁驅風。芍藥斂氣。秦皮清熱燥濕。目之所以有病。以肝氣爲濕所阻也。濕化熱則生赤脈。肉腫則閉痛。蘊濕化熱而濕盛不能盡化則睛黑。故清熱散濕驅風利氣。使濕散氣和熱退。則目病自愈矣。

竹葉

性味 苦平無毒

效用 主效逆上氣溢筋急惡瘍殺小蟲

說明 竹葉性味苦平。本經主治效逆上氣溢。以苦能燥濕而利氣也。濕阻而氣滯則筋急。故燥濕可以舒筋。傷處爲濕阻則成惡瘍。故燥濕可以治惡瘍。蟲生於濕。故燥濕可以殺蟲。有用以治煩熱喘促者。以氣中挾濕而氣不和則煩。氣阻則喘。燥濕可以利氣。故能除煩而止喘也。竹葉以燥濕爲主。由濕化熱者。雖燥濕亦可退熱。而熱重者非清不退也。

○竹葉湯 治產後心中煩悶不解

竹葉 麥門冬 甘草 生薑 大棗 小麥

○竹葉石膏湯 治傷寒解後虛羸少氣氣逆

竹葉 石膏 麥冬 人參 甘草 半夏 粳米

第一方以竹葉燥濕利氣。麥門冬瀉肺。甘草和氣。生薑散結氣。大棗和胃。小麥疏肝。產後煩悶不解。由於氣之不和。氣所以不和。因肺中有痰。氣中有濕。

故以燥濕利氣主治。燥濕利氣之藥。種類極多。而治效各異。本方中之竹葉。能燥久經潛伏而化之濕。小麥能散久經寒滯而化之氣。以產後心中煩悶。無寒無熱。除其潛伏之濕。則煩悶解矣。第二方以竹葉燥濕利氣。石膏滋胃液。麥冬瀉肺。人參益氣。甘草和氣。半夏除濕痰。粳米和胃氣。本方所治爲大熱之後。氣逆不和之病。以氣中挾濕。故燥濕以利氣。胃液枯竭不能化氣。故滋胃以助其化。氣化之後尙有阻滯。則氣仍不和。故瀉肺以利其氣。並佐以和氣之藥也。胃中久不得食。則失其運化力。故以粳米引起其運化力。病虛至極度之時。用之極效。否則不必用也。

竹瀝

性味 甘寒無毒

效用 主暴中風風痺胸中大熱止煩悶消渴勞復

說明 竹瀝性味甘寒。潤中帶燥。故能利氣而治中風風痺。濕化則胸中熱。寒能清熱。甘能和氣。而以微燥助其運化。故能止大熱。氣中挾濕則煩悶。故清熱燥濕可以治煩悶。濕阻而津不上布則渴。胃液已竭而熱不止則爲消渴。此爲上氣不能下達。下氣不能升化所致。故潤以止渴。燥以利氣。氣化則消渴自止。勞復證並非因病後勞而復病。實由其未盡之濕繼續化熱所致。故以清熱燥濕主治也。有謂其善透經絡而能化皮裏膜外之痰者。此非事實。蓋肺中有濕熱則氣阻而筋絡皆受影響。以竹瀝清熱燥濕。肺氣一通則經絡皆通。而皮裏膜外之濕亦能運化。此爲間接之作用。並非直接之效力也。或謂其性大寒者。其實不過寒潤而已。如胸有寒痰積滯而投以竹瀝。則固結不解。此非大寒所致。因助寒而不能化也。

○竹荊飲 治肝藏中風心神煩熱言語蹇塞不得臥

竹瀝 荊瀝 葛根汁 生薑汁 白蜜

○竹瀝湯 治妊娠常苦煩悶

竹瀝 麥冬 防風 黃芩 茯苓

第一方以竹瀝燥濕清熱。荆瀝散風熱。葛根汁散濕清煩熱。生薑汁散氣滯。白蜜潤燥。肝臟濕阻則氣不和而成風。故心神不安而不得臥。驅風散濕則可以清熱而利氣。凡煩熱均非大熱。故以竹瀝散濕而清其微熱。則恰到好處。第二方以竹瀝清熱燥濕。麥冬瀉肺利氣。茯苓利濕。防風驅風。黃芩清熱。妊娠苦煩悶。爲濕阻氣滯所致。燥濕驅風則氣和而可以除煩。雖有微熱。經清燥之後。已化之濕熱。既已肅清。則煩悶自除矣。

竹茹

性味 苦微寒無毒

效用 主胃熱煩悶渴嘔逆

說明 竹茹性味苦寒。並非大苦大寒。故不能治大熱。胃熱煩渴。係濕阻之病。濕化爲熱。則氣不和而嘔逆。故清熱燥濕。則氣和而可收止渴除煩之效。若熱勢正盛。大渴引飲者。非竹茹所能治。濕化爲熱。熱度甚高者。亦非竹茹所能治。竹茹所治之病。爲蘊濕微化。寒熱相持。濕不重而氣不和者。或病後尙有餘濕化熱爲患者。用之極佳。否則均不能對證而難以取效也。

○青竹茹湯 治勞復及陰陽易病

苦萋根 青竹茹

○甘竹茹湯 治產後虛煩短氣

甘竹茹 人參 茯苓 甘草 黃芩

第一方以苦萋根青竹茹清熱燥濕。此二味藥性味相同。而苦萋根大苦大寒。青竹茹微苦微寒。勞復陰陽易。均爲餘濕化熱之病。故清熱燥濕。則濕盡熱退。氣暢血調而病愈矣。第二方以甘竹茹清熱燥濕。人參益氣。茯苓利濕。

甘草和氣。黃芩清熱。產後虛煩短氣。以濕阻而氣不和也。故以燥濕。主治濕化爲熱。故以清熱爲輔。濕去熱退而氣不和。則病亦不愈。故以益氣和氣之藥以安其氣也。

石膏

性味 辛微寒無毒

效用 主中風寒熱。心下逆氣驚喘。口乾舌焦。不能息腹中堅痛。產乳金瘡。

說明 石膏性味辛寒。本經主治中風寒熱。以辛能散氣而驅風。故能治中風。辛能散寒而寒能清熱。故能治寒熱。寒熱相持則氣不和而心下有熱氣。故散寒清熱可以治心下熱氣。熱甚則驚。氣阻則喘。寒能清熱。辛能散氣。故可以治驚喘。熱甚而胃液不足。津不上布則口乾舌焦。寒濕阻滯而津不上布。亦能使口乾舌焦。二者之辨在能飲與不能飲。胃液不足者能飲。濕阻者不

能飲。以此剖別。可免誤用。不能息亦有兩種原因。有濕阻而不能息者。有熱乾而不能息者。能飲者爲熱乾。不能飲者爲濕阻。熱結而氣阻則腹中堅痛。故以清熱散結主治。因濕熱阻滯而無乳者。清熱散濕則可以產乳。因濕熱阻滯而金瘡不愈者。散濕清熱則可以療金瘡。別錄用以解肌發汗。熱勢緊張則氣阻而無汗。清熱可以解肌。散氣可以通阻。故有解肌發汗之效也。元素用以治日晡發熱。外臺祕要用以治骨蒸勞熱。均爲蘊濕化熱之病。故散濕清熱則濕去而熱止也。胃爲水之化源。胃熱則水竭。石膏能清胃熱而滋胃液。故治因胃熱水涸而發爲狂熱之證。奏效最速。但挾寒者雖有高熱。並不口渴。俟寒化爲熱。口渴能飲時方可用之。有許多病證。實係胃熱而不易辨別者。則以煩躁不煩躁爲準。煩躁者可用石膏。不煩躁者不可用。煩爲氣中挾濕之象。熱則躁。辛能散濕。寒能清熱。故可以治煩躁。惟石膏能生人。亦能殺人。不可不用而不能不慎用。有明知不能不用而又不取用者。乃用煨

石膏。不知石膏之效。全在其氣。故入湯劑不須多煎。而必須擊碎。如用煨過者。已成石灰。其效全失。故當生用。萬不可煨。或以石膏可用於盛夏而不能用於嚴冬。不知用藥當憑證候。有是證即用是藥。冬日有石膏證。而夏日有當用附子乾薑者。若爲時令所拘。勢必誤人不淺矣。

○白虎湯 治傷寒脉浮滑表有熱裏有寒

石膏 知母 甘草 粳米

○桂枝二越婢一湯 治太陽病發熱惡寒熱多寒少脉微弱

桂枝 芍藥 麻黃 甘草 大棗 生薑 石膏

○大青龍湯 治太陽中風脉浮緊發熱惡寒身疼痛不汗出而煩躁者

麻黃 桂枝 甘草 杏仁 生薑 大棗 石膏

第一方以石膏清熱散濕。知母清熱燥濕。甘草和氣。粳米引胃氣。本方所治之病爲由濕化熱之大熱證。熱雖高而濕未盡化。故以清熱而燥濕散濕之。

藥以治其濕。恐濕去而氣不和。胃氣已傷而不能回復其運化力。故用甘草以和氣。粳米以引胃氣。凡注傷寒論者。對於裏有寒三字。非曲解卽懷疑。實則古人皆以未化之濕爲寒。曰裏有寒。卽表明外雖有熱。裏面尙有未化之濕也。故以知母之寒。清已化之熱。苦燥未化之濕。石膏之寒。清已化之熱。辛散未化之濕。歷來注家均未研究熱從何來。而苦辛究作何用。皆知石膏之寒而忘其味之辛。皆知知母之寒而忘其味之苦。故對於本方祇能曲解。祇能懷疑而不能澈底明瞭也。實則凡由濕化熱之病。皆寒熱夾雜。而濕藥多數能兼治寒熱。故本經以石膏主治中風寒熱。歷來醫家鮮有精究本經者。故祇知石膏之治熱。而不知石膏兼能治寒。苟知其能兼治寒熱。則決不懷疑白虎湯之治表有熱裏有寒矣。於此可知治醫者不能不研究傷寒論。更不能不研究本經也。第二方以桂枝行氣散濕。麻黃燥濕散寒。芍藥燥濕利氣。甘草大棗和氣。生薑散結氣。石膏清熱散濕。發熱惡寒爲寒熱相持之局。

而由濕化熱之病熱多。大部分之濕已化也。寒少。小部分之濕未化也。脈微弱。濕阻而氣滯也。故以散濕逐寒爲主。而以清熱爲副。脈微弱。可知熱勢已減。但濕未盡散。若聽其遷延。則病人有不能支持之勢。故一面散其在表之寒濕。一面清其在裏之寒濕。本方中之石膏。在散裏寒而滋胃液。使胃氣得以運化。則微弱之脈可轉爲有力。而精神得以回復矣。所以急急於滋胃液者。可推知其方經大熱而胃液不足也。故用甘草以和氣。大棗以和胃。第三方以麻黃燥濕散寒。桂枝行氣散濕。甘草和氣。杏仁利氣。生薑散結氣。大棗和胃。石膏清熱散濕。本方所治係風熱病。並非不省人事之中風。風熱病係由濕化熱所致。故身痛不汗出而煩躁。爲濕所阻也。氣不和則煩。熱度高則躁。故散濕以治煩。清熱以治躁。凡風病用石膏。以其能滋胃液。宣散氣血也。

慈石

性味 辛寒無毒

效用 主周痺風濕肢節中痛不可持物洗洗酸消除大熱煩滿及耳聾

說明 慈石性味辛寒。本經主治周痺風濕。以辛能驅風散濕。寒能清已化之熱也。積濕化熱則肢節中痛。故散濕清熱可以止痛。不可持物與洗洗酸。均為風濕阻滯所致。濕化為熱則酸痛。辛能散濕。寒能清熱。故可以治酸痛也。濕盛則化為大熱。故散濕清熱可以除大熱。濕阻則煩滿。氣阻則耳聾。散濕清熱可以除煩而利氣。故能除煩滿而治耳聾也。惟所治之病須濕已化熱而成風熱者。方為有效。否則不能治也。

○慈石丸 治陰虛火上炎耳鳴腎虛瞳子散大

慈石 硃砂

○燒腎散 治腎虛耳聾

慈石 附子 蜀椒 巴戟肉

第一方以慈石清熱散濕。硃砂平肝利氣。濕盛爲陰。濕阻爲虛。濕化熱爲火。陰虛火上炎。卽阻滯之濕化爲熱也。氣不和而有阻滯則耳鳴。濕阻於腎則腎虛。腎氣不化。肝氣阻滯則瞳子散大。故散濕清熱。上可疏肝利氣。而下可濕散益腎。硃砂有平肝利氣之效。故用以爲佐也。第二方以慈石清熱散濕。以附子蜀椒巴戟肉散濕逐寒。凡濕病均寒熱夾雜。故大都清溫並用。清以治已化之熱。溫以散未化之濕。本方所謂腎虛。實因寒重濕盛不能運化也。局部化熱則氣阻而耳聾。故腎虛爲主病。而耳聾爲腎濕化熱所致。故以辛溫散濕治腎病。辛寒散濕治耳病。腎病屬於寒。故用溫散。耳病屬於熱。故用清散也。

石硫黃

性味 酸溫有毒

效用 主婦人陰蝕疽痔惡血筋骨除頭禿

說明 石硫黃性味酸溫。本經主治婦人陰蝕疽痔。以陰蝕疽痔均爲濕病。酸能收瀼而溫能散寒逐濕也。濕散則陰蝕可除而疽痔可愈矣。濕阻則化毒而爲惡血。收瀼可以制血。溫散可以行血。故能治惡血筋骨不堅。由於濕阻而氣滯。收瀼可以利氣。散寒可以逐濕。故能堅筋骨。頭禿爲蟲痛。石硫黃能殺蟲。故可以治頭禿。別錄療心腹積聚邪氣。冷癖在脇。咳逆上氣。脚冷痿弱無力及鼻衄。寒濕阻滯則心腹積聚。酸以收瀼。溫以散寒。寒濕去則積聚散矣。濕阻則氣不和而爲邪氣。寒阻則濕不化而爲冷癖。故散濕逐寒可以除在脇之冷癖邪氣也。氣中挾濕則咳逆。氣阻而不能下達則上氣。收瀼可以利氣。溫中可以散濕。濕去而氣和則咳止矣。濕阻而氣不下達則脚冷。濕化爲熱則痿。氣阻則無力。故收瀼散寒可以治脚冷痿弱無力。血爲寒濕阻滯於上。化熱則成鼻衄。故收瀼散寒可以通阻而止鼻衄。石硫黃雖有收瀼散

寒之效。以未經提鍊使合於治病標準。故前人或用之而中毒。或服食而不消。非經改良。不可輕用也。

○半硫丸 治高年冷秘虛秘及痿痺冷氣

硫黃 半夏

右方以硫黃收瀋散寒。半夏散濕利氣。高年冷秘。係寒濕阻滯而氣失宣化之力也。故收瀋散寒以開其秘。散濕以利其氣。使寒去而氣化。則冷癖散矣。此丸昔人有盛言其治效者。亦有服之而受害者。能提取其有效成分而防其流弊。必為良藥無疑也。

陽起石

性味 鹹微溫無毒

效用 主崩中漏下破子臟中血癥瘕結氣寒熱腹痛無子陰痿不起補不足

說明 陽起石性味鹹溫。本經主治崩中漏下。以鹹能制血。溫能散寒。寒化則血散。氣和而崩中克止。漏下自愈矣。子臟中血因寒滯而不行。故散寒可以破血。濕阻而血滯則爲癥瘕。血阻而氣滯則爲結氣。溫能散濕。鹹能制血。故能除癥瘕。血散則氣和。故能治結氣。濕阻則爲寒熱。氣阻則爲腹痛。散濕利氣。故可以除寒熱而愈腹痛。氣血爲寒濕所阻則無子。腎氣爲寒濕所阻則陰痿。故散寒逐濕可以有子而治陰痿也。氣血爲寒濕阻滯則精氣不化而感不足。故散寒逐濕可以行血利氣而補不足。別錄療男子莖頭寒陰下濕癢。宗爽治男子婦人下部虛冷。腎氣乏絕。子臟久寒。皆以其有散寒逐濕之效也。惟所治均爲陰寒之濕。故用以治男子腎病。婦人子宮病也。

○黑錫丹 治真元虧憊。陽氣不固。陰氣逆衝。三焦不和。冷氣刺痛。腰背沉重。男子精冷滑泄。婦人白帶清冷。及陰證陰毒。四肢厥冷。不省人事。

沉香 附子 葫蘆巴 陽起石 補骨脂 上圖香 肉豆蔻

金鈴子 木香 肉桂 黑錫 硫黃

右方以沉香治男子精冷。附子溫散寒濕。葫蘆巴陽起石補骨脂溫腎散濕。上圖香散結氣。肉豆蔻散肝氣。金鈴子導濕熱。木香散氣中之濕。肉桂散寒。黑錫安神。硫黃溫散心腹積聚。真元虧憊。因寒濕阻滯而失其宣化之力。故散寒逐濕以回復其宣化力。惟本方所治之病。在男子腎藏。女子子宮。所謂陰證也。雖以陽藥主治。而使其能入陰分。沉香陽起石金鈴子黑錫均走陰分之藥。故本方所治爲寒濕阻滯於陰分之病。陰化則陽復。下焦和則上中二焦亦隨之而和矣。

雄黃

性味 苦寒有毒

效用 主寒熱鼠瘻惡瘡疽痔死肌

說明 雄黃性味苦寒。本經主治寒熱鼠瘻。均爲濕熱所化。寒能清熱。苦能燥濕。故能治寒熱鼠瘻也。濕化爲毒則成惡瘡疽痔。寒濕阻滯不化則成死肌。故燥濕清熱可以治惡瘡疽痔而化死肌也。別錄主治絕筋破骨百節中大風積聚癱氣中惡腹痛。寒濕阻滯則爲絕筋。氣不宣化而留滯於骨節間則破骨不愈。故燥濕可以利氣而治絕筋。愈破骨。濕盛而流注於骨節間。寒滯則積聚而爲大風。氣滯則爲癱氣。燥濕可以驅風而利氣。故治骨節間之大風。身體中之癱氣也。中惡則血滯而氣阻。燥濕可以通阻。清熱可以散血。故能治中惡腹痛。好古用以搜肝氣瀉肝風消涎積。肝爲濕阻則肝氣不和而爲肝風。氣聚成風。氣與風二而一也。故燥濕清熱可以疏肝而利氣。肝氣和則肝風散矣。氣阻則水不化而生涎積。故燥濕可以利氣而治涎積。惟雄黃所治皆爲濕熱病。其治中風亦在由濕化熱之候。方能奏效。有時與溫藥同

用者。必爲寒熱夾雜之證。用以清已化之濕熱也。

○華佗赤散 治傷寒頭痛身熱背強引頸及中風口噤瘧不絕婦人產後中風寒經氣腹大

丹砂 蜀椒 蜀漆 乾薑 細辛 黃芩 防已 桂心 茯苓

人參 沙參 桔梗 女萎 烏頭 雄黃 吳茱萸 麻黃 代赭

右方以丹砂除痰利氣。蜀椒細辛散濕利氣。蜀漆散濕破積。乾薑桂心吳茱萸散寒。黃芩清熱。防已茯苓利濕。人參益氣。沙參桔梗女萎清肺散濕。雄黃清熱燥濕。烏頭麻黃驅風散濕。代赭收瀆。本方所治爲風寒濕阻滯之病。故以驅風逐寒散濕主治。間用清藥。以治化熱之濕也。背強引頸口噤均爲風病。腹大爲氣病。瘧爲濕病。散寒逐濕。則氣和而諸病皆治矣。在古方中爲常用之藥。而今人有絕不敢用者。非古人之體質有異於今人。實今人之識力遠不及古人也。

雌黃

性味 辛平有毒

效用 主惡瘡頭禿疥殺毒蟲虱身癢邪氣諸毒

說明 雌黃性味辛平。本經用以治外證。以其能散濕熱也。實則與雄黃爲同類之物。所以有雌雄之分者。以雄黃產於山陽得陽氣也。雌黃產於山陰得陰氣也。古人鍊服皆用雄黃。時珍謂取其得純陽之精。而本經對於雌黃亦曰鍊之久服。輕身增年不老。可知其未嘗不可服也。凡道家皆好鍊服礦物。以求神仙不死。雖皆失敗。實與今之化學無異。未可厚非也。

○勝金丹 治癡狂叫號遠近皆效

白砒 菉豆 肥梔子 雄黃 雌黃 急性子 西牛黃 冰片

右方以白砒雄黃雌黃蕩滌痰積。菉豆解砒毒。梔子清五內邪氣。急性子通

竅牛黃治熱甚狂癡。冰片治心腹邪氣。癡狂之病。起於痰滯氣阻。故以滌痰利氣主治。凡有毒之藥。其性皆偏而不純。故用以治偏病也。

水銀

性味 辛寒有毒

效用 主疹癩痂瘍白禿殺皮膚中蝨墮胎除熱殺金銀銅鐵錫毒

說明 水銀性味辛寒。本經用以治皮膚病。以其能殺蟲也。藏器利水道。去熱毒。大明主治天行熱疾。宗奭治小兒驚熱涎潮。時珍鎮墜痰逆嘔吐。皆以其能散熱也。用時以紫背天葵與夜交藤自然汁煮一伏時以去其毒。古人服水銀而死者甚多。服時皆鍊過而認爲仙藥者也。現在服者已少。而外用亦可中毒。如未能證明確實無毒者。萬不可用。以免殺人。

○三白丹 治黴瘡結毒

水銀 白礬 硃砂

右方以三物製爲丹而服之。水銀能散熱。白礬硃砂能蕩積。是否有效。雖不可知。而以鑛物供藥用。並以化學製成藥品。則爲顯著之事實。如加以研究。使合於現代科學之原理與方法。則可以免中毒之患。而收治療之效矣。

鐵落

性味 辛平無毒

效用 主風熱惡瘡瘍疽痂疥氣在皮膚中

說明 鐵落性味辛平。本經主治風熱。以辛能散氣。氣散則熱退。瘡瘍疽痂疥。均爲風濕集表所化。故曰氣在皮膚中。辛能散氣。亦能散濕。濕散而氣和。則瘡疥獲愈矣。大明主治驚邪癩癧。小兒客忤。消食及冷氣。濕化爲熱。則或成驚邪。或爲癩癧。小兒得之。則爲客忤。散濕可以退熱而利氣。故用以主治。

也。氣阻則食不化。散氣故能消食。氣滯則爲冷氣。辛能散寒。故可以治冷氣。時珍用爲平肝去怯。並治善怒發狂。肝爲氣阻則不和。爲濕阻則怯。濕氣化熱則或怒或狂。鐵落能散氣亦能散濕。故能平肝而去怯。濕化爲熱則爲氣熱。散氣可以洩熱。故能治狂怒也。

○生鐵落飲 治狂妄不避親疏

鐵落 石膏 龍齒 白茯苓 防風 黑參 秦艽 竹瀝

右方以鐵落散濕氣。石膏清胃熱。龍齒攝肝。黑參治肝風。秦艽搜肝濕。白茯苓除痰氣。防風散風邪。竹瀝瀉肝熱。狂妄之原因在肝爲濕阻而氣不和。濕化爲熱則成邪氣而致狂妄。故以清熱散濕收瀆利氣主治。使濕去而熱退。則氣和而狂妄得愈矣。

犀角

性味 苦酸鹹寒無毒

效用 主百毒蟲疰瘴氣殺鈎吻鳩羽蛇毒

說明 犀角性寒而味苦酸鹹。寒能清熱。苦能燥濕。鹹能制血。本經主治各證皆為血中毒。故以清血解毒主治。別錄治傷寒溫病頭痛寒熱諸毒。以其能清熱解毒也。血中毒則結。清熱解毒可散已結之血。故犀角為熱結蘊毒之專藥。並非尋常清血之品。其所治之證為傷寒溫病。因感邪熱而血已發紫者。或畜血驚狂者。或熱結發斑者。以及其他類似之邪熱使血結聚者。非用犀角不能清散。若無以上情形。不可誤用犀角致傷血液。

○犀角飲子 治小兒心臟熱

犀角 茯神 麥冬 甘草 白朮

○犀角湯 治熱毒流入四肢歷節腫痛

犀角 羚羊角 前胡 黃芩 梔子仁 射干 大黃 升麻

○解毒犀角湯 治熱病毒氣外攻皮膚斑出狂亂躁熱

犀角 黃芩 麥門冬 馬牙硝 大青 梔子仁 牛黃 赤茯苓

天竺黃 生甘草 川黃連 麝香

第一方以犀角清熱散血。茯神白朮利濕。麥門冬瀉肺。甘草和氣。氣中挾濕化熱。侵及心藏。心主血。故以犀角清散血熱。佐以散濕利氣。第二方以犀角清熱散血。羚羊角清肝熱。前胡清肺熱。黃芩清肌表之熱。梔子仁清胸膈之熱。射干散結氣。大黃瀉瘀血。升麻散四肢歷節之熱。病由大熱所致。雖結成熱毒。流入四肢而熱猶不解。故以犀角散熱結之血。大黃瀉瘀血。並以諸藥清一切熱。第三方以犀角清熱散血。黃芩清肌表之熱。麥冬瀉肺熱。馬牙硝去五藏積熱。大青清血熱。梔子仁清胸膈間熱。牛黃清心化熱。赤茯苓瀉血滯。天竺黃去風熱。生甘草解血毒。川連導心下實熱。麝香通竅去滯。斑由血結所致。凡發斑者多爲大熱病。熱極則血結成塊而顯之於外也。狂亂係血

熱而衝動腦神經所致。故用散血解毒清熱通竅之藥主治。

羚羊角

性味 鹹寒無毒

效用 主明目益氣起陰去惡血注下辟蠱毒

說明 羚羊角性味鹹寒。本經主明目益氣。以其能清肝熱也。肝上與目通下與腎通。因肝熱而目不明者。清肝可以明目。因肝熱而氣不和者。清肝可以益氣。因腎有濕熱而陰痿者。清熱可以起陰。鹹能制血。寒能清熱。故能去惡血注下。中蠱毒則血先受病。故制血清熱可以治蠱毒也。別錄除邪氣驚夢狂越僻謬。皆肝熱病。故以清肝主治。

○羚羊角散 治熱病發汗後熱毒未盡因有所驚發熱癲狂

羚羊角 犀角 茯神 黃芩 炙甘草 防風 龍齒 人參

鐵粉 地骨皮

○羚羊解毒湯 治痘初起根窠不分顴頰一片如朱塗以此分之

紫草 黑參 柴胡 荆芥 蟬蛻 川芎 紅花 山查 連翹

木通 羚羊角尖

○羚羊角湯 治青風內障勞倦加昏重頭旋腦痛眼內痛澀

羚羊角 人參 元參 地骨皮 羌活 車前子

第一方以羚羊角清肝熱。犀角散血熱。茯神治風眩心虛。黃芩地骨皮清表裏之熱。甘草和氣。防風驅風散熱。龍齒攝肝定悸。鐵粉清熱治驚。本方用藥未嘗不頭頭是道。惟治病原非發汗可以退熱。既因發汗不能退熱而熱至發狂。應速清熱。羚羊角犀角既非普通之清熱藥。可以弗用。即使因肝熱邪熱而用之。則他藥亦應歸於一路。今乃不此之圖。而注重於平肝定悸。若肝平則狂可不發者。殊不知狂全由於熱。熱止則狂自愈。如一味清熱一二劑

可以見效。三五日可以全愈。如照本方治法。幸而不死。恐非二三月不能離牀席矣。此方可爲誤治熱病之代表作。世間儘有採用此方之人。亦儘有信仰此方之人。苟能精究本經。辨明藥效。則決不致採取此種治法矣。第二方以紫草涼血。黑參清熱。柴胡利氣。荊芥散結。蟬蛻木通行水利竅。川芎紅花行氣活血。山查行滯血。連翹破血結。羚羊角清肝熱。本方用羚羊角最爲適當。因小兒熱則易驚。凡驚皆爲肝熱。痘證不能不熱。而又不能太熱。根窠不分爲太熱之象。故以清熱涼血主治。張氏醫通以分清根窠。歸功於羚羊角。其實本方中一切涼血清熱行氣活血之藥。皆能分清根窠。而羚羊角之用則全在清肝防驚也。第三方以羚羊角清肝熱。人參益氣。元參地骨皮清肝腎之熱。羌活散風濕。車前子瀉膀胱中濕熱。此爲純粹之肝病。肝與腎通。故兼治腎。上與目通。故生障。表裏俱無熱象。以濕熱內蘊尙未化熱也。以羚羊角治此等病。最爲適當。其所清者並非大熱。亦可由此證明。

獾皮

性味 苦平無毒

效用 主五痔陰蝕下血赤白五色血汁不止陰腫痛引腰背酒煮殺之

說明 獾皮性味苦平。本經主治五痔陰蝕。以苦能燥濕。濕熱下注則爲痔。爲陰蝕。故燥濕可以治之。濕化爲熱則下血。腸中發炎則腸壁失其吸收之力。而下五色血汁。燥濕可以回復腸之吸收力。故能治下五色血汁也。濕阻於陰則陰腫而痛。腎氣逆則引及腰背。酒能行血。獾皮能燥濕利氣。氣利而血行則濕散而腫退矣。別錄療腹痛疝積。藥性治腸風瀉血。皆取其燥濕利氣之效也。

○五退還光丸 治內外障眼

炒蟬蛻 炒蛇蛻 猪前爪灰 草决明 獾皮炙 蒼朮 枳實

防風 蠶蛻

右方以蟬蛻蛇蛻蠶蛻驅風除障。草決明洩肝熱。猪前爪獮皮去濕。防風蒼朮除風濕。枳實導滯利氣。風濕阻滯。肝氣不和則目病。故散濕利氣可以去障而明目也。

鼈甲

性味 鹹平無毒

效用 主心腹癥瘕。堅積寒熱。去痞疾。瘰肉。陰蝕。痔核。惡肉。

說明 鼈甲性味鹹平。本經主治心腹癥瘕。堅積寒熱。以鹹能制血。故可以破血中癥瘕。血滯則成堅積。有堅積則發為寒熱。故破血可以去堅積而除寒熱。血阻則氣滯而成痞疾。濕阻則生瘰肉而患陰蝕。寒濕不化則積為痔核。傷破而濕阻則生惡肉。鼈甲有破血散濕之效。破血則可以利氣而去痞。散

濕則可以化瘰肉而除陰蝕痔核惡肉。惟所治均為寒濕化毒之陰病。陰病化毒則變為熱病。故兼治寒熱。金匱有結為癥瘕名曰瘰母之說。足證癥瘕係血中蘊毒而發為寒熱者也。升麻鼈甲湯用以治陽毒。於治陰毒時去雄黃蜀椒。可知雄黃蜀椒用以治陽毒。而鼈甲則專治陰毒者也。現在用鼈甲以治傷寒溫病。未能分別有毒無毒與陰毒陽毒。是以用之每多不效。或使病象惡化。此非鼈甲治效之不良。由於用鼈甲者未能辨明其效用所致也。

○小鼈甲湯 治身體虛脹如微腫胸心痞滿有氣壯熱小腹厚重兩脚弱

鼈甲 黃芩 升麻 麻黃 羚羊角 桂心 杏仁 前胡 烏梅
薤白

○鼈甲散 治壞證諸藥不效

鼈甲 犀角 前胡 黃芩 生地 枳殼 烏梅

○升麻鼈甲湯 治陽毒面赤斑斑如錦文咽喉痛吐膿血

升麻 當歸 蜀椒 甘草 鼈甲 雄黃

第一方以鼈甲破血散積。黃芩清熱。升麻散氣。麻黃散寒逐濕。羚羊角清肝利氣。桂心散寒。杏仁前胡瀉肺。烏梅斂氣。薤白散結。本方所治之病爲濕阻而氣滯。寒濕已經化毒。故以破血散積主治。而以散濕利氣爲佐。肝熱則氣阻而痞滿。故清肝利氣則上可洩滿而下可治脚氣。壯熱爲濕化熱。小腹厚重爲氣阻。利氣可以通阻。散濕可以清熱也。第二方以鼈甲破血散積。犀角散血。前胡瀉肺。黃芩生地清熱。枳殼利氣。烏梅斂氣。壞證而諸藥不效。以寒濕化毒而病源在血也。故以破血散血主治。而以清熱利氣爲佐。第三方以升麻散氣。當歸行氣活血。蜀椒散氣中之濕。雄黃解陽毒。甘草解血毒。鼈甲解陰毒。寒濕阻滯化爲熱毒。其外發者爲陽毒。故散以雄黃。其潛伏者爲陰毒。故破以鼈甲。喉痛爲濕化熱所致。熱化毒而潰則吐膿血。故以散濕解毒。

治之也。

蟹

性味 鹹寒有小毒

效用 主胸中邪氣熱結痛噎僻面腫

說明 蟹性味鹹寒。本經主治胸中邪氣熱結痛。鹹能制血散氣。寒能清熱。熱結則氣阻而痛。故清熱散氣可以止痛也。中風則噎僻。濕浮則面腫。蟹有散血利氣之效。故能驅風而治噎僻。散濕而治面腫。孟詵用以散諸熱。治胃氣。理經脉。消食。寒能清熱。鹹能制血。散氣故能散諸熱而治胃氣。血阻則經脉不調。制血散氣則可以理經脉。氣阻則積食不消。故散氣可以消食。日華產後肚痛而血不下者。以酒食之。筋骨折傷者。生搗炒罾之。蟹能散血。而酒能行血。故同食可以下血。蓋所下者為瘀積之血也。筋骨折傷則血阻。生搗炒

罾之可以散血而通阻。故能續筋骨而治傷損也。破血之效。用爪尤良。

○蟹爪湯 治妊娠僵仆失據胎動轉上搶心甚者血從口出逆不得息
子死腹中急如產狀虛乏少氣困頓欲絕

蟹爪 甘草 桂心 阿膠

右方以蟹爪阿膠散血。桂心破血。甘草和氣。妊娠僵仆血阻而上衝也。散血
可以通阻。故能下死胎。虛乏少氣。血爲陰寒所阻。失其運化之力。故溫以化
氣。使氣血俱散而氣和也。

蚱蟬

性味 鹹甘寒無毒

效用 主小兒驚癇夜啼癩病寒熱

說明 蚱蟬性味鹹甘而寒。本經主治小兒驚癇。以鹹能制血利氣。寒能清熱

退驚也。熱而氣阻則夜啼。故清熱利氣可以止夜啼。痰阻則爲癩。氣滯則爲寒熱。鹹能制血而利痰。寒能清熱而利氣。故能治癩病寒熱。凡蟲類大都有弛緩神經作用。故全蠍、蚱蟬等皆用以治驚。能證明其有效部分。而改良其用法。必能製成良藥也。

○蛇蛻皮湯 治小兒各種癩病

蛇蛻皮 細辛 甘草 鈎藤 黃耆 大黃 蚱蟬 牛黃

○鈎藤湯 治小兒壯熱時氣驚悸并熱瘡出

鈎藤 人參 蚱蟬 子芩 蛇蛻皮 龍齒 防風 澤瀉 石膏

竹瀝

第一方以蛇蛻驅風。細辛散結。甘草和氣。鈎藤清肝熱。黃耆益氣。大黃清熱。蚱蟬散血清熱。牛黃利痰祛熱。癩病爲痰阻氣熱所致。故清熱散氣。可以治驚。第二方以鈎藤清肝熱。人參益氣。子芩清熱。蛇蛻防風驅風。龍齒攝肝。蚱

蟬清熱散血。澤瀉利濕。石膏竹瀝清肺胃之熱。壯熱則肺胃皆熱。故用以清熱。氣阻爲風。氣熱成驚。清熱驅風。故可以治驚悸。熱達於表則熱瘡出。故用子芩以清肌表之熱也。

白殭蠶

性味 鹹辛平無毒

效用 主小兒驚癇夜啼去三蟲男子陰瘍病

說明 白殭蠶味鹹辛而性平。本經主治小兒驚癇夜啼。濕化爲熱則成驚。氣阻則成癇。鹹能制血利氣。辛能散熱。故用以治驚癇。血熱而氣阻則夜啼。故制血散熱可以治夜啼。蠱生於濕而長於血。故制血散濕可以殺蠱。白殭蠶專治陰分之濕。凡陽發者不宜用之。故男子陰瘍病。須以殭蠶主治也。別錄治女子崩中赤白。產後腹痛。以其制血散濕而利氣也。日華以七枚爲末。酒

服治中風失音。濕阻而氣滯則失音。白殭蠶有散濕利氣之效。故可以治失音也。凡濕之陽發者清之可以退熱。而燥之可以去濕。其陰發者雖化毒而不熱。清之則益寒。燥之則不除。溫之則不散。其病爲咽痛。爲喉痺。化毒則成結核。瘰癧。不治或治不得法。則成癆瘵。凡此類病。皆由陰濕釀成。以殭蠶主治。可以奏效也。

○開關散 治纏喉風氣息不通

白殭蠶 枯白礬 生薑 蜜

○殭蠶丸 治鬱痰

白殭蠶 栝蓂仁 杏仁 訶子 貝母 五倍子

○殭蠶煎 治三陰瘧疾

殭蠶 山查 烏梅 檳榔

第一方以白殭蠶制血散陰濕。枯白礬收瀆除痰。生薑散結氣。蜜解毒潤燥。

纏喉風由於寒濕阻滯所致。化毒則腫脹而氣息不通。故制血散氣。收瀆利痰。可以消阻而退腫。蜜在本方中爲和劑。以調和枯白礬之燥也。第二方以白殭蠶制血除陰濕。訶子肉燥濕散寒。五倍子收瀆利氣。栝萋仁清熱散鬱。杏仁瀉肺。貝母散濕。鬱痰生於濕阻。燥濕可以利氣。通阻可以除痰。痰爲喉肺間分泌後不能運化之物。所謂鬱痰。因氣之鬱結而生也。故燥濕利氣可以化痰。第三方以白殭蠶制血散濕。山查消積。烏梅斂氣。檳榔破結。瘧疾爲濕病。三陰瘧疾爲濕之潛伏者。屬於陰性之濕。故以白殭蠶主治。佐以消積破氣。而斂之以烏梅。使氣歸於和也。

蠶沙

性味 甘辛溫無毒

效用 主腸鳴熱中消渴風痺癰疹

說明 蠶沙性味甘辛而性溫別錄。主治腸鳴。以辛能散氣也。濕阻而化熱則熱中。水不上布則消渴。辛溫能散濕而通阻。故能治熱中而止消渴。濕阻而氣不化則成風痺。風濕集表而化熱則發為癩疹。辛溫可以散濕而利氣。故能治風痺癩疹。療風痺焙熱熨患處。即可奏效。以麻油浸二三宿塗爛。絃風眼可愈。皆取其驅風散濕之力也。

○乳香丸 治眼疼頭痛或血攻作筋急遍身疼痛

五靈脂 乳香 沒藥 夏蠶沙 草烏頭 木鼈子

右方以五靈脂沒藥散血。乳香活血。夏蠶沙草烏頭驅風散濕。木鼈子消結利氣。眼痛頭痛為風病。挾濕則氣阻而痛。故以散濕利氣主治。氣阻則血滯。故兼用散血之藥。

樗雞

性味 苦平有小毒

效用 主心腹邪氣陰痿益精強志

說明 樗雞性味苦平。本經主治心腹邪氣。以苦能燥濕而利氣也。腎爲濕阻。則陰痿而精不能生。故燥可以治陰痿而益精。濕阻則氣滯而意志不強。故燥濕可以利氣而強志。宗竇通血閉行瘀血。濕阻則氣滯而血不運行。乃成血閉。久閉不通則爲瘀血。故燥濕可以通閉而行瘀血。時珍主治瘰癧。散目中結翳。辟邪氣。療獬犬傷。濕積而化毒則爲瘰癧。故燥濕可以治瘰癧。肝氣阻滯則目中結翳。燥濕可以疏肝而利氣。故能通阻而除目翳。氣爲濕阻則成邪氣。故燥濕可以除邪氣。獬犬傷則血中毒。可以致死。燥濕可以散血而解毒。故能治獬犬傷。本經所治均爲濕阻氣滯之病。後人用以治血病。可知樗雞不但能燥濕而散氣。並有散血之效也。

○狷皮丸 治烏癩

蝮蛇頭 蛤粉 猬皮 蜈蚣 蝨蟲 蟻螞 樗雞 水蛭 蜘蛛
 蟹螯 鯨鯉 龍骨 川椒 大黃 黃連 麝香 桂心 蘇方木
 銀 石膏 芒硝 雷丸 巴豆 蜜

右方以蝮蛇頭。猬皮。蝨蟲。水蛭。蟻螞。樗雞。蘇方木。破血。蜘蛛瀉毒。蟹螯利小
 便洩毒。龍骨破肝經血積。甘遂鯨鯉利水。川椒散濕。大黃清熱導滯。黃連清
 熱燥濕。麝香利竅。桂心散寒。蛤粉清熱利氣。蜈蚣截風。銀清風熱。石膏清胃
 熱。胡麻治腸風。枯白礬芒硝巴豆滑石蕩滌積滯。附子驅風散濕。雷丸殺蟲。
 蜜能潤燥解毒。用以爲丸。烏癩爲濕熱所化之大毒證。故以大劑驅風散濕。
 破血瀉積之藥治之。

蝨蟲

性味 鹹寒有毒

效用 主心腹寒熱洗洗血積癥瘕破堅下血閉

說明 蠶蟲性味鹹寒。本經主治心腹寒熱洗洗。以鹹能制血。寒能清熱也。並有破血之效。故能治血積。氣血結滯則爲癥瘕。破血則可以行氣。故能治癥瘕。血滯而氣結則成堅而血閉。破血利氣故可以攻堅而下血閉。聖惠治木舌腫強。袖珍方治折傷接骨。均取其行血利氣之效也。

○下瘀血湯 治婦人產後腹痛有乾血著臍下

蠶蟲 大黃 桃仁

右方以蠶蟲桃仁破血。大黃下瘀血。三味藥均以攻血爲主。以產後腹痛純爲血積所致也。凡如此組織之方。均有極大效力。苟非認清病證。不可輕用。

蠶蟲

性味 苦微寒有毒

效用 主逐瘀血破血血積堅痞癥瘕寒熱通利血脈及九竅

說明 蝨蟲性味苦寒。本經主逐瘀血破血血積堅痞。均爲血阻所致。故用以破血而通阻也。血脈不通則寒熱往來。九竅不利。故破血可以通血脈而利九竅。別錄主月水不通。此爲血阻所致。故破血可以通經。設非血阻不可用也。血滯則氣阻而爲積聚。故破血可以除積聚。胸腹五臟有積血。則氣不通暢。百病叢生矣。別錄用蝨蟲以攻胸腹五臟之積血。以其能透達於各處也。喉痹結塞。血化爲毒而腫脹也。故破血可以治喉痹而通結塞。成無己云。苦走血。血結不行者以苦攻之。其實苦並不能走血。凡血病之挾濕者。燥濕可以行血。蝨蟲既有破血之效。而加以味苦。故能破一切濕阻積滯之血也。

○抵當湯 治畜血少腹鞕滿小便自利

水蛭 蝨蟲 大黃 桃仁

右方以水蛭蝨蟲大黃桃仁攻下畜血。因少腹鞕滿。小便自利。而知其有畜

血。若氣阻則小便不利也。此爲單純之病。故用單純之藥併力攻之。古人恆用此種方藥。苟能認清病源。大可效法。否則殺人。不旋踵矣。

露蜂房

性味 甘平有毒

效用 主驚癇瘈瘲寒熱邪氣癩疾鬼精蠱毒腸痔火熬之良

說明 露蜂房性味甘平。本經主治驚癇瘈瘲。邪氣癩疾。皆爲濕阻痰壅之病。露蜂房有除痰滌垢之功。故用以爲治。並能殺蟲。故可治蠱毒。能收濕。故用以治腸痔。外用能燥濕殺蟲。如癬疥之奇癢而有血水者。炙灰敷之。可以獲愈。子母秘錄用以治臍風濕腫。千金方用以浴小兒卒癇。聖惠方用以敷重舌腫痛。皆取其外用收濕之效也。

○溫風散 治風冷齒痛

當歸 川芎 細辛 白芷 萆薢 露風房 藁本

右方以當歸川芎行氣活血。細辛白芷萆薢本驅風散濕逐寒。露蜂房除痰滌垢。風冷氣滯也。氣之所以滯，濕阻也。故以行氣活血驅風散濕逐寒主治。痰積爲氣滯之一大原因。除痰滌垢可以利氣也。

海螵蛸

性味 鹹微溫無毒

效用 主女子赤白漏下經汁血閉陰蝕腫痛寒熱癥瘕無子

說明 海螵蛸性味鹹溫。鹹能破血。溫能散寒化濕。本經主治女子赤白漏下經汁血閉陰蝕腫痛。均爲寒濕所阻而成之血病。故以制血散寒化濕爲治。濕阻爲寒。濕化爲熱。故制血散濕可以治寒熱。血結則成癥瘕。故制血可以除癥瘕。別錄治驚氣入腹。腹痛環臍。丈夫陰中腫痛。此爲氣滯血阻所致。故

制血散濕可以行氣而止痛。日華療血崩。血不歸經則崩。故制血可以療崩。時珍用以治女子血枯。海螵蛸不能生血或養血。而使枯爲榮。何能主治。蓋其所謂枯。並非真枯。因爲寒濕所阻而血失生化之機耳。故溫以散寒則通。鹹以制血則血止也。

○白芷散 治崩中帶下

白芷 海螵蛸 胎髮灰 酒

○補宮丸 治白帶及白淫

鹿角霜 白茯苓 白芷 白朮 海螵蛸 白芍藥 牡蠣粉

白微 山藥

第一方以白芷散風濕。海螵蛸制血化濕。胎髮行瘀血。酒活血。崩中帶下爲風濕阻滯。血無統制所致。故驅風散濕。行瘀通阻。使氣行血調則崩止而帶愈矣。第二方以鹿角霜散血。白茯苓利濕。白芷驅風散濕。白朮山藥收濕。白

芍藥燥濕。海螵蛸制血散濕。牡蠣粉收腸濕。白微清濕熱。白帶白淫均爲濕病。濕阻則氣化失調而分泌物向外排洩矣。故以利濕散濕收濕主治。使濕去而氣和則帶自止矣。凡治帶雖以治濕爲主。而熱重者當清熱。寒重者當散寒。本方不偏於寒熱而著重治濕者也。

文蛤

性味 鹹平無毒

效用 主惡瘡蝕五痔

說明 文蛤性味鹹平。本經主治惡瘡蝕五痔。以鹹能制血。並有收濕之效也。別錄主治效逆。胸痺氣滯則效逆。氣阻則胸痺。濕注於腎則腰痛。氣阻於脅則脅急。濕集於表而化毒則爲鼠瘻。收濕可以利氣。故能治效逆。療胸痺。止痛急。成無己云文蛤之鹹走腎以勝水氣。鹹能制血利氣。並有收濕之效。故

可軟堅化痰通小便止煩渴也。

○文蛤散 治陽病不以汗解誤用冷水噴之或灌之更益煩熱欲飲不

渴者

文蛤

右方以文蛤一味爲散服之。陽病不以汗解。誤噴誤灌。濕阻於內而不能宣化。故欲飲。胸有積水。故不渴。濕阻則煩。濕化則熱。文蛤有收濕利氣之效。故用以消胸中積水也。

蛤蜊

性味 鹹寒無毒

效用 主痰積結氣

說明 蛤蜊性味鹹寒。能止消渴。以殼製粉。有除痰利氣之效。以鹹能制血利

氣而粉能收濕也。震亨用以除痰及疝氣。時珍用以化積散腫。普濟方以大
蒜蛤粉爲丸。治氣虛水腫。聖惠以蛤粉香附治心氣疼痛。潔古以蛤粉黃柏
治白濁遺精。普濟方因氣虛而佐以溫化。聖惠方因氣阻而佐以散氣。潔古
因濕熱阻滯而佐以清燥。惟陰寒之病。如用寒藥。將攻之益堅。不可不注意。
○大人參半夏丸 治痰病化痰墜涎止嗽定喘

人參 茯苓 南星 薄荷葉 生白礬 寒水石 半夏 乾薑
蛤粉 藿香

○葶藶散 治肺氣喘滿痰嗽眠臥不安

苦葶藶 蛤粉 桑皮 山梔 人參 赤茯苓 杏仁 荊芥
薄荷 陳皮 桔梗 甘草

第一方以人參益氣。茯苓南星除痰利水。薄荷葉散風熱。生白礬寒水石蛤
粉半夏燥濕化痰。乾薑藿香溫中快氣。濕阻氣滯則生痰。故燥濕利氣可以

除痰。凡濕病往往寒熱夾雜。故本方溫清並用。第二方以苦葶藶逐水。蛤粉除痰。桑皮山梔赤茯苓杏仁清熱瀉肺。荆芥薄荷陳皮桔梗散結利氣。人參甘草和中益氣。肺氣喘滿。有積水也。故以葶藶利水。濕化爲熱。故以清熱瀉肺爲治。氣結則夜臥不安。故散結氣而使之安。和人參性偏於寒。熱重者可用。寒滯者不可用也。

髮

性味 苦溫無毒

效用 主五癰關格不通利小便水道療小兒驚大人瘥

說明 髮性味苦溫。煨灰用。本經主治五癰關格不通利小便水道。以其能下瘀血而利氣也。血阻則小兒爲驚。大人爲瘥。髮灰能去瘀而通阻。故能治驚與瘥。別錄合雞子黃煎之消爲水。療小兒驚熱百病。小兒氣阻血滯則成驚。

熱。髮灰有行血利氣之效。故能療小兒驚熱百病也。

○止血立應散 治吐衄不止

大黃酒浸 髮灰 青黛 槐花 梔子 丹皮

○止血飲 治上焦一切血證

髮灰 阿膠 童便 生藕汁 刺薊汁 生地汁 墨汁

第一方以大黃清熱。酒浸則和血。髮灰行瘀。槐花散血。青黛清熱。以四味爲散。梔子丹皮煎湯服之。梔子能清蘊結之熱。丹皮能清殘餘之熱。本方所治之證爲偏於熱者。而並號大熱。以積熱傷血。血散而熱減也。第二方以髮灰行瘀。阿膠散血。童便耦汁和血。刺薊行血。生地涼血。墨汁止血。本方以行散爲主。極爲和平。惟目的在止血而並無治本之藥。

附子

性味 辛温有大毒

效用 主風寒效逆邪氣寒濕痿躄拘攣膝痛並不能行步破癥堅積聚血痕

金瘡

說明 附子性味辛温。本經主治風寒效逆。以辛能散風。温能逐寒也。風阻而

寒滯則效逆。故散風逐寒可以止效。濕爲寒阻則痿躄拘攣。膝痛不能行步。

故散濕逐寒可以治寒濕痿躄拘攣膝痛不能行步也。寒濕阻滯則運化失

調而爲癥堅積聚。故散寒逐濕可以破癥堅積聚也。濕阻氣滯則血積而成

痕。故散濕利氣可以除血痕。金瘡挾濕則不能收口。故散濕可以療金瘡。或

以附子爲風藥。以辛能散氣也。或以附子爲濕藥。以温能散濕也。凡一切寒

濕阻滯脾胃衰弱。下焦虛冷等證。皆當以附子治之。寒濕原爲尋常之病。附

子亦爲尋常之藥。雖生者有毒。而今人所用附子已經製過。色味皆變。實已

不毒。而治病之效亦因之大減。附子之效。以回陽爲最著。蓋寒濕阻滯。正氣

已衰。以附子乾薑化寒逐濕。可立收起死回生之效。此卽所謂回陽法。或以脈證難辨而每多誤治。其實一察其病情之經過與曾服之方藥。可以一望而知。不必全以脈象爲據也。惟當此之時。陽衰可回。陰竭立死。如辨不出陰陽虛實。當直告病家另請高明。不可以生命爲兒戲也。

○附子湯 治少陰病得之一二日其背惡寒者

附子 茯苓 人參 白朮 芍藥

○通脈四逆湯 治少陰病下利清穀手足厥逆脈微欲絕身反不惡寒其人面色赤或腹痛或乾嘔或咽痛或利止脈不出者

甘草 附子 乾薑

○麻黃附子細辛湯 治少陰病始得之反發熱脈沉者

麻黃 附子 細辛

第一方以附子去寒逐濕。白朮茯苓利濕。人參芍藥護陰。本方以少陰病背

惡寒故用附子以散寒。因挾濕故以茯苓白朮利濕。今以寒濕偏勝而爲病。如寒濕盡去而體中水分不足。仍屬偏勝。不過向之偏於寒濕者。服藥後偏於溫燥而已。是以用人參芍藥以滋其燥。使歸於和。此爲少陰病寒濕不重者而設。若寒濕重者。或當加燥。不必調和也。第二方以甘草調和氣血。附子乾薑散寒逐濕。病至下利清穀。腸胃已全失運化之力。脉微欲絕。血之運行亦將停止。其所以致此者。因寒濕阻滯而氣血失去其運行之力也。故急速溫散其寒濕。使氣血復得運行。在此時期。命在呼吸間矣。如能中病。可以不死。第三方以麻黃燥濕散寒。細辛散結利氣。附子散寒逐濕。少陰病當寒。今發熱。故曰反發熱爲表證。是以用麻黃以解表。裏有寒濕。故用附子散寒逐濕。內外俱病則氣不和。故用細辛以散結利氣。傷寒論之妙處。全在對證發藥。絕無拘泥。雖若難學。一經貫通則堂堂大道也。希醫家善加利用。發揮該書之精微也。

天雄

性味 辛温大毒

效用 主大風寒濕痺歷節痛拘攣緩急破積聚邪氣金瘡強筋骨輕身健行說明 天雄性味辛温本經主治大風寒濕痺以辛能驅風逐濕温能散寒也

風濕久阻則成痺故驅風散濕可以除痺風濕阻滯於關節間則歷節痛阻滯於經路間則拘攣緩急故驅風逐濕可以治歷節痛而除拘攣緩急氣阻濕滯則運化失調而為積聚邪氣故驅風逐濕可以散積聚而除邪氣金瘡為風濕所阻則不能收口故驅風逐濕可以療金瘡筋骨為風濕阻滯則筋弱而身重故驅風逐濕可以強筋骨而使輕身健行天雄為附子之獨生而特大者以氣力雄厚本經主治大風寒濕痺元素謂非天雄不能補上焦之陽虛震亨謂天雄烏頭氣壯形偉可為下部之佐均非確論天雄既治大風

寒濕痺。凡遇此證。不分上下均可用之也。

○天雄散 治五勞七傷陰痿不起

天雄 五味子 遠志 茯苓 蛇牀子 菟絲子

○天雄散 治頭目眩暈屋轉旋倒

天雄 防風 川芎 人參 獨活 桂心 葛根 莽草 白朮

遠志 薯蕷 茯苓 山茱萸

○別離散 治男女風邪悲愁憂恚喜怒無常或半年數月一發

桂心 茵芋 天雄 菖蒲 細辛 茜根 附子 乾薑 白朮

桑寄生

第一方以天雄驅風逐濕。五味子斂氣。菟絲子散肝腎積濕。遠志燥濕散寒。茯苓溫散腎濕。蛇牀子溫腎散濕。五勞七傷陰痿不起。由於風濕阻滯。故驅風逐濕可以治陰痿而愈勞傷。類是之病。以治不得法而死者甚多。凡濕在

陰分者。此方定可奏效。而救不少垂死之人也。第二方以天雄驅風逐濕。獨活散風逐寒。白朮茯苓神利濕。桂心散寒。川芎行氣散濕。葛根利氣。人參益氣。遠志燥濕散寒。薯蕷收濕利氣。山茱萸散寒斂氣。莽草蕩積散結。風濕阻滯。氣化失調則頭眩目暈。故本方純以散濕利氣主治。第三方以桂心乾薑散寒。茵芋天雄附子菖蒲驅風散寒逐濕。細辛散結氣。茜根燥濕除痺。白朮利濕。桑寄生祛風逐濕。悲愁憂恚。喜怒無常。由於濕阻而氣滯。故散濕利氣可以祛憂而強志。使喜怒不致失常。

川烏頭

性味 辛溫有毒

效用 主諸風風痺血痺半身不遂除寒冷溫養藏府去心下堅痞感受腹痛說明 川烏頭性味辛溫。本經主治諸風風痺血痺。氣阻爲風。辛能散氣。故可

以治風氣與濕。寒滯不化則成痺。辛能散濕利氣。溫能逐寒。故可以除痺。氣阻而成痺。爲風痺。血阻而成痺。爲血痺。散氣可以行血。逐寒可以散血。故辛溫能治風痺。亦能治血痺也。風濕阻滯於半身則半身不遂。故驅風散濕可以治半身不遂。積寒積冷則血阻氣滯而藏府不能保養。故以辛溫散其寒冷。則藏府之氣得以溫化而資爲營養。心下寒濕阻滯則成堅痞。腹中寒濕阻滯則作痛。故散寒逐濕可以行血利氣。除心下堅痞而癒腹痛。川烏頭爲附子之本。於春生新附時採之。本草綱目謂其助陽退陰。功同附子而稍緩。附子力暴則效捷。緩則力厚。且去其新附。則內潛之力蓄而未發。當強於附子。故本經主治半身不遂。所以名川烏頭者以別於草烏頭也。

○烏頭湯 治歷節疼痛不可屈伸

川烏頭 麻黃 芍藥 黃耆 甘草 蜜

○烏頭赤石脂丸 治心痛徹背背痛徹心

烏頭 附子 赤石脂 乾薑 蜀椒

○烏頭桂枝湯 治寒疝腹中痛逆冷手足不仁

烏頭 桂枝 芍藥 甘草 生薑 大棗

第一方以烏頭驅風散濕。麻黃燥濕散寒。黃耆驅風利氣。芍藥燥濕利氣。甘草與蜜和氣。歷節疼痛爲風濕阻滯所致。故以驅風散濕主治。風濕遇寒則結。遇溫則散。故用溫藥。風氣也。既散而不和則病不癒。故和之以甘草與蜜。第二方以烏頭附子散寒逐濕。赤石脂收濕。乾薑散寒。蜀椒散濕利氣。心痛徹背爲寒濕所阻而氣不和也。故散寒逐濕則氣和而止痛矣。第三方以烏頭散寒逐濕。桂枝行氣散濕。芍藥燥濕利氣。生薑散寒。甘草大棗和氣。寒濕阻滯則成寒疝。氣滯不得暢行則受阻而痛。血滯不能達於四肢則逆冷。故散寒行氣可以治疝而止痛。氣和則手足自溫矣。